

四庫全書

史部

欽定四庫全書

資治通鑑前編卷十二

宋 金履祥 編

周襄王十有七年衛侯燬滅邢秦伯師于河上晉侯辭秦師而下次于陽樊右師圍溫取帶殺之左師逆王于鄭王入于王城晉侯入朝王賜晉侯陽樊溫原攢茅之

田左氏曰秦伯師于河上將納王狄偃言于晉侯曰求諸侯莫如勤王諸侯信之且大義也繼文之業今為

可矣晉侯辭秦師而下次于陽樊右師圍溫左師逆王王入于王城取大叔于溫殺之于隰城晉侯朝王王饗

醴命之宥請遜弗許曰王章也未有代德而有二王亦
叔父之所惡也與之陽樊溫原攢茅之田晉于是始啟
南陽陽樊不服圍之蒼葛呼曰德以柔中國刑以威四
夷宜吾不敢服也此誰非王之親姐其俘之也乃出其
民晉侯圍原命三日之糧原不降命去之謀出曰原將
降矣軍吏請待之公曰信國之實民之所庇也得原失
信何以庇之所亡滋多退一舍而原降遷原
伯貫于冀趙衰為原大夫孤濤為溫大夫
衛文公卒

子鄭嗣

是為成公

楚人圍陳納顛子于顛

顛胡氏曰圍陳納顛子也納云者不與

納也諸侯失國諸侯納之正也何以不與乎夫陳先代
之後也不能以禮安靖鄰國保恤寡小中國諸侯又不
能修方伯連率之職而楚人納之是夷狄仗義正諸夏
也春秋之責中國深矣陳氏曰齊桓公卒楚始與諸
夏盟于齊于鹿上執宋公納顛子侈
然欲廢置諸侯矣春秋之所懼也

魯侯衛子莒慶盟

于洮十有八年魯侯莒子衛甯速盟于向齊人侵魯西鄙衛人伐齊魯公子遂如楚乞師楚人滅夔以夔子歸

楚人伐宋圍緡魯以楚師伐齊取穀

左氏曰公會莒茲平公甯莊子盟于

向于洮之盟也齊師伐我西鄙討是二盟也夏齊孝公伐我北鄙衛人伐齊洮之盟故也公使展喜犒師使受命于展禽齊侯未入境展喜從之曰寡君聞君親舉玉趾將辱于敝邑使下臣犒執事齊侯曰魯人恐乎對曰小人恐矣君子則否齊侯曰室如縣罄野無青草何恃而不恐對曰恃先王之命昔周公太公股肱周室夾輔成王成王勞之而賜之盟曰世世子孫無相害也載在盟府太師職之桓公是以糾合諸侯而謀其不協彌縫其闕而匡救其災昭舊職也及君即位諸侯之望曰其率桓之功我敝邑用不敢保聚曰宜其嗣世九年而棄

命廢職其若先君何君必不然恃此以不恐齊侯乃還東門裏仲臧文仲如楚乞師臧孫見子玉而道之伐齊宋以其不臣也夔子不祀祝融與鬻熊楚人諺之對曰我先王熊摯有疾鬼神弗赦而白賡于夔吾是以失楚又何祀焉楚成得臣闕宜申帥師滅夔以夔子歸宋以其善于晉侯也叛楚即晉楚令尹子玉司馬子西帥師伐宋圍郕公以楚師伐齊取穀凡師能左右之曰以真桓公子雍于穀易牙奉之以為魯援楚申公叔侯戍之桓公之子七人為七大夫于楚

履祥按自齊桓公之歿楚遂爭霸諸夏齊討魯衛之盟是又欲復霸也魯人如柳下惠之賢而不能用齊師壓境始使展喜受命焉如其言果退齊師矣而魯復乞師于楚是以先王之命退齊而又自犯先王之命也楚方西滅夔北伐宋東水殺其勢益張傲晉文之霸則楚遂霸諸夏矣果爾庸非魯謀之與是行也

臧文仲在焉可謂
不仁不知甚矣

十有九年齊孝公卒弟潘父殺世子

而自立

是為昭公

楚人陳侯蔡侯鄭伯許男圍宋魯侯及諸

侯盟于宋

左氏曰楚子及諸侯圍宋宋公孫固如晉告
急先軫曰報施救患取威定霸于是乎在矣

狐偃曰楚始得曹而新昏于衛若伐曹衛楚必救之則
齊宋免矣于是蒐于被廬作三軍謀元帥趙衰曰郤穀
可說禮樂而敦詩書詩書義之府也禮樂德之則也德
義利之本也乃使郤穀將中軍郤溱佐之使狐偃將上
軍讓于狐毛而佐之命趙衰為卿讓于欒枝先軫使欒
枝將下軍先軫佐之荀林父御戎魏犢為右陳氏曰
此楚子也其稱人何嫌于楚霸也盟于齊楚猶序陳蔡
之下于鹿上猶不先齊宋也孟之會宋楚始並為諸侯
長矣楚之稱子而長于諸侯宋襄為之也齊桓公卒而
衛從楚魯又從楚楚敗宋師于泓納頓子于頓滅曼取

齊之殺且合四國之君以圍宋春秋以是為夷狄之強而已矣故雖序于諸侯之上而人之

二十年

晉侯侵曹晉侯伐衛楚人救衛晉侯入曹執曹伯畀宋

人晉侯齊師宋師秦師及楚人戰于城濮楚師敗績

左氏曰晉侯將

伐曹假道于衛弗許還自南河濟侵曹伐衛取五鹿卻穀卒原軫將中軍晉臣佐下軍晉侯齊侯盟于欽孟衛侯請盟晉人弗許衛侯欲與楚國人不欲故出其君以說于晉衛侯出居于襄牛魯公子買戍衛楚人救衛不免魯懼于晉殺買以說焉謂楚人曰不卒戍也晉侯圍曹門焉多死曹人尸諸城上晉侯患之聽輿人之謀曰稱舍于基師遷焉曹人兇懼因而攻之入曹數之以其不用僂負羈而束軒者三百人也今無入僂負羈之宮而免其族報施也魏犢顓頡怒曰勞之不圖報于何有魏犢負羈氏魏犢傷于臂公欲殺之而愛其材使視之

病軀東冒見使者距躍曲踊乃舍之殺顛頤以徇于師
立舟之僑為戎右宋使門尹般如晉師告急公曰宋人
告急舍之則絕告楚不許我欲戰矣齊秦未可若之何
先軫曰使宋舍我而賂齊秦藉之告楚我執曹君而公
曹衛之田以賜宋人楚愛曹衛必不許也喜賂怒頑能
無戰乎公說執曹伯公曹衛之田以畀宋人楚子入居
于申使中叔去殺使子玉去宋曰無從晉師晉侯在外
十九年矣而果得晉國險阻艱難儻當之矣民之情偽
盡知之矣天假之年而除其害天之所置其可廢乎軍
志曰允當則歸知難而退有德不可敵子玉使伯楚請
戰楚子怒少與之師子玉使宛春告于晉師曰請復衛
侯而封曹臣亦釋宋之圍子犯曰子玉無禮哉君取一
臣取二不可失矣先軫曰定人之謂禮楚一言而定三
國我一言而亡之我則無禮何以戰乎楚有三施我有
三怨怨讐已多將何以戰不如私許復曹衛以携之執
宛春以怒楚既戰而後圖之乃拘宛春于衛且私許復

昔衛曹衛告絕于楚子玉怒從晉師晉師退軍吏曰以君辟臣辱也且楚師老矣子犯曰師直為壯曲為老微楚之惠不及此退三舍辟之所以報也背惠食言以亢其讐我曲楚直我退而楚還我將何求若其不還君退臣犯曲在彼矣退三舍楚衆欲止子玉不可夏四月戊辰晉侯宋公齊國歸父犍天秦小子憖次于城濮楚師背鄆而舍晉侯患之子犯曰戰也捷必得諸侯不捷表裏山河必無害也公曰若楚惠何樂貞子曰漢陽諸姬楚實盡之思小惠而忘大恥不如戰也子玉使鬬勃請戰晉侯使欒枝對曰楚君之惠未之敢忘是以在此為大夫退既不獲命敢煩大夫謂二三子戒爾車乘敬爾君事詰朝將見晉侯筮有莘之虛以觀師曰少長有禮其可川也遂伐其木以並其兵已巳晉師陳于莘北胥臣以下軍之佐當陳蔡子玉以若敖之六卒將中軍曰今日必無晉矣子西將左子上將右胥臣蒙馬以虎皮先犯陳蔡陳蔡奔楚右師潰狐毛設二旆而退之欒枝

使與曳柴而偽遁楚師馳之原軫卻縠以中軍公族橫擊之狐毛狐偃以上軍夾攻子西楚左師潰楚師敗績子玉收其卒而止故不敗晉師三日館穀及癸酉而還胡氏曰初公子重耳之出亡也曹衛皆不禮焉至是侵曹伐衛再稱晉侯者議復怨也或曰曹衛背華即夷于是乎致武翼為不可曰楚人摟諸侯以圍宋陳蔡鄭許舉兵而同會魯公與會而同盟楚雖得曹新昏于衛然其君不在會其師不與圍方之諸國不猶愈乎又兄衛已請盟而晉入弗之許也卒使衛侯竄身無所奔于荆靈歸于京師兄弟相殘君臣交訟衛之禍文公為之也曹伯未狎晉政莫知所承晉文不修詞令遽入其國既執其君又以其田暴矣欲致楚師與之戰而以曹伯界宋人謫矣得臣雖從晉師不過請復衛封曹臣亦釋宋未有必戰之意也及晉許曹衛以攜其黨拘宛春以激其怒而後楚請戰矣春秋書及在晉侯誅其意也夫荆楚恃強憑陵諸夏久矣以至執中國之盟主今又成

殺逼齊合兵圍宋非有城濮之敗則民其被髮左衽矣
宜有美詞稱揚其績而春秋所書如此仁人正其誼不
謀其利明其道不計其功文公一戰勝楚遂主夏盟以
功利言則高矣語道義則三王之罪人也 陳氏曰城

濮之戰宋公齊國歸父秦小子憖也宋公也則何以但稱師尊
晉侯也尊晉者與晉以霸也楚得臣何以稱人楚未有大夫也

左氏曰晉侯始入而教其民二年欲用之子犯曰民未知義未
安其居于是乎出定襄王入務利民民懷生矣將用之子犯曰民
未知信未宣其用于是乎伐原以示之信民易資者不求豐焉明
微其辭公曰可乎子犯曰民未知禮未生其共于是乎大蒐以示
之禮作執秩以正其官民聽不惑而後用之出穀戌釋
宋圍一戰而霸文之教也城濮之戰晉中軍風于澤亡
大師之左將祁鵬奸命司馬殺之以拘于諸侯使茅葭
代之師還濟河舟之僑先歸士會攝右秋七月振旅愷
以入于晉獻俘授馘飲至大賞徵會討貳殺舟之僑以
拘于國民于是大服君子謂文公其能刑矣三罪而民

服

履祥按晉文公勤王以示義伐原以示信大蒐以示禮所謂五霸假之也然霸圖猶有此後世併此無之矣晉文之霸子犯先軫之謀居多先軫報施救惠取威定霸之說已不如管仲三不可之言惟子犯詩書義之府禮樂德之則其言為精而又曰德義利之本則皆霸佐之心矣夫有恩則有怨救宋固報施也至于公曹用衛報怨亦已甚矣稱舍于莒一請分曹界宋一請私許復曹衛一請執宛春又一請退師曳柴又一請晉文公請而不正于此一役亟見之在軍則殺顓頊祁購師入則殺舟之僑此軍法所以仲戰所以勝國入所以畏文公霸業于是乎備見矣

晉侯作王宮于踐土獻楚俘于王王命尹氏王子虎內

史叔興父策命晉侯為侯伯

左氏曰甲午至于衡雍作王宮于踐土丁未獻楚俘

于王馬介百乘徒兵千鄭伯傳王用平禮也已酉王饗

醴命晉侯宿王命尹氏及王子虎內史叔興父策命晉

侯為侯伯賜之大輅之服戎輅之服彤弓一彤矢百旅

弓矢千秬鬯一卣虎賁三百人曰王謂叔父敬服王命

以綏四國糾逖王慝晉侯三辭從命曰重耳敢再拜

稽首奉揚天子之丕顯休命受策以出出入三覲

殺其大夫得臣

左氏曰楚師既敗楚子使謂子玉曰大夫若入其如申息之老何子西孫伯曰得臣

將死二臣止之曰君其將以為戮及連穀而死楚子使

止子玉曰毋死不及晉侯聞之而後喜可知也曰莫余

毒也已薦呂臣實為令

尹秦已而已不在民矣

衛侯出奔楚

左氏曰衛侯聞楚師敗出奔楚遂適

陳使元咺奉

叔武以受盟

晉侯齊侯宋公魯侯蔡侯鄭伯衛子呂子

盟于踐土陳侯如會諸侯朝于王所

左氏曰王子虎盟諸侯于王庭要言

曰皆獎王室無相害也有渝此盟明神殛之俾隊其師無克祚國及而玄孫無有老幼

衛侯鄭自

楚復歸于衛衛元咺出奔晉

左氏曰或訴元咺于衛侯曰立叔武矣其子角從公

公使殺之咺不廢命奉夷叔以入守六月晉人復衛侯甯武子與衛人盟于宛濮曰天禍衛國君臣不協以及此憂也今天誘其衷使皆降心以相從也不有居者誰守社稷不有行者誰扞收固不協之故用昭乞盟于爾大神以誘天衷自今日以往既盟之後行者無保其力居者無懼其罪有渝此盟以相及也明神先君是糾是殛國人聞此盟也而後不貳衛侯先期入叔武將沐聞君至喜捉髮走出前驅歛犬射而殺之公知其無罪枕之股而哭之歎犬走出公使殺之元咺出奔晉

陳穆公卒子朔嗣

是為共公

晉侯齊侯

宋公魯侯蔡侯鄭伯陳子莒子邾人秦人會于溫王狩于河陽諸侯朝于王所晉人執衛侯歸之于京師衛元咺自晉後歸于衛立公子瑕曹伯襄復歸于曹諸侯遂

圍許

左氏曰會于溫討不服也晉侯召王以諸侯見且使王狩仲尼曰以臣召君不可以訓故書曰天王

狩于河陽王申公朝于王所衛侯與元咺訟不勝執衛侯歸之于京師寘諸深室寘子職納素饘馬元咺歸于衛立公子瑕晉侯有疾曹伯之豎侯犇貨蒞史使以曹為解曰齊桓公為會而封異姓今君為會而滅同姓且合諸侯而滅兄弟非禮也與衛偕命而不與偕復非信也同罪異罰非刑也禮以行義信以守禮刑以正邪舍此三者君將若之何公說復曹伯遂會諸侯圍許晉侯作三行以禦狄荀林父將中行屠擊將右行先穀將左

行 公羊氏曰衛侯之罪殺叔武也何以不書為叔武諱也春秋為賢者諱何賢乎叔武讓國也文公逐衛侯而立叔武叔武辭立而他人立則恐衛侯之不得反也故于是已立然後為踐土之會治反衛侯衛侯得反曰叔武篡我元咺爭之曰叔父無罪終殺叔武元咺走而出執衛侯者晉侯也其稱人衛之禍文公為之也文公逐衛侯而立叔武使人兄弟相疑故乎殺母弟者文公為之也元咺自晉復歸于衛自者何有力焉者也此執其君其言自何為叔武爭也

履祥按是年晉文公始霸春秋所不書者二上則天王下臨踐土不書下則衛侯鄭殺叔武不書何也春秋之事所不書衆矣蓋舊史所書皆從赴告所不告者史固不得而書也夫子修春秋有改定而無增加蓋謹之也然踐土之天王不書于朝王所見之叔武之見殺不書于衛侯名元咺奔而晉執衛侯見之或

叔武之殺非衛侯也公子歆犬也吾觀衛侯在外則殺元咺之子返國則已盟而先期以入是皆有忌叔武之心焉衛侯忌叔武之心久矣使衛侯無忌叔武之心則先驅何以殺叔武之遽哉春秋誅心之法必不以是未滅衛侯也

二十有一年王子虎魯侯晉人宋人齊人陳人蔡人秦

人盟于翟泉

左氏曰公會王子虎晉狐偃宋公孫固齊國歸父陳轅濤塗秦小子憖盟于翟泉尋

踐土之盟且謀伐鄭也卿不書罪之也在禮卿不會公

侯陳氏曰晉初以大夫盟王子也向也踐土之役王

子虎不書盟也今以大夫盟諸侯文公之

志荒矣大夫之交政于是始文公為之也

履祥按杜氏謂翟泉在洛陽城內洛陽去今河南王城二十五里耳諸大夫于此不入聘王室而魯侯于

此會盟不朝天子是誠何為者宜春秋于此不書公而大夫皆人之

二十有二年衛殺其大夫元咺及公子瑕衛侯鄭歸于

衛

左氏曰晉侯使醫衍酖衛侯甯俞貨甯使薄其酖不

死公為之請納玉于王與晉侯王許之乃釋衛侯衛侯使賂周欽治屢曰苟能納我吾使爾為卿周治殺元咺及子適子儀公入祀先君周治既服將命周欽先入及門遇疾而死治屢辭卿

履祥按衛侯有罪則不當以醫誅衛侯無罪則不當以玉免此晉文之不正也衛侯初歸則殺叔武再歸則殺元咺公子瑕春秋于其出奔不名而歸名之比于失國滅同姓之罪矣元咺失事君之禮固以國討書有守國之功故以官書公子瑕之及也非其罪矣

晉人秦人圍鄭

左氏曰晉侯秦伯圍鄭以其無禮于晉且貳于楚也晉君函陵秦軍汜南侯之

狐言于鄭伯曰國危矣若使燭之武見秦君師必退公從之辭曰臣之壯也猶不如人今老矣無能為也已公

曰吾不能早用子今急而求子是寡人之過也然鄭亡子亦有不利用焉許之夜縋而出見秦伯

曰秦晉圍鄭鄭既知亡矣若亡鄭而有益于君敢以煩執事越國以鄙遠君知其難也焉用亡鄭以陪鄰鄭之厚君之薄也若舍鄭以為東道主行李之往來共其乏困君亦無所害且君嘗為晉君賜矣許君焦瑕朝濟而夕設版焉君之所知也夫晉何厭之有既東封鄭又欲肆其西封若不闕秦將焉取之闕秦以利晉唯君圖之秦伯說與鄭人盟使杞子逢孫楊孫戍之乃還子犯請擊之公曰不可微夫人之力不及此因人之力而敝之不仁失其所與不知以亂易整不武吾其還也亦去之

履祥按魯文報怨而喜功故邀秦以伐鄭秦穆恃功而視利故私鄭而倍晉此一役也結怨交兵者數世晉主夏盟失秦之援而為楚所抗自是役始春秋之所憂在楚史記之所憂在秦二者居天下之大勢矣

王使宰周公聘于魯魯公子遂入聘遂如晉

陳氏曰自桓公以下

周室無聘魯者于是再聘而宰周公實來則已重矣公子遂如京師遂如晉是夷周于晉也

履祥謂夷周于晉猶未也其後知有晉而不知有周矣可勝誅哉

二十有三年晉侯作五軍

初王命曲沃伯以一軍為晉侯至獻公作二軍文公作三

軍又作三行至是作五軍

狄圍衛衛遷于帝丘

履祥按齊桓公之時狄滅衛而封衛于楚丘晉文公之時狄圍衛而衛遷于帝丘桓文之優劣見矣

二十有四年楚子使闕章請平于晉晉侯使陽處父如

楚鄭文公卒子蘭嗣

是為穆公

衛人侵狄及狄盟晉文公卒

子驪嗣

是為襄公

履祥按晉文霸功不及齊桓之盛而晉世主夏盟齊桓止其身蓋齊桓之家不治而晉文之家事治也齊桓之夫人三內嬖如夫人者六人身死不及殯而即有五公子之亂齊遜以衰傳稱晉侯逆夫人嬴氏以歸狄人歸季隗杜祁以君故讓伯姑而上之以狄故讓季隗而已次之故班在四辰嬴賤班在九人但齊姜存否不見于傳而劉向列女傳稱晉文迎之以歸為夫人向博極羣書必有考也則晉文之家法大槩可見矣家法治所以無身後之亂也有國者當知治亂之本不可以是為過

二十有五年秦人入滑晉人及姜戎敗秦師于殽

左氏曰杞

子自鄭使告于秦曰鄭人使我掌其北門之管若潛師
以來國可得也蹇叔曰師之所為鄭必知之勤而無所
必有悖心且行千里其誰不知師勞力竭遠主備之無
乃不可乎公辭名孟明西乞白乙使出師于東門之外
蹇叔哭之曰孟子吾見師之出而不見其入也蹇叔之
子與師哭而送之曰晉人禦師必于殽殽有二陵必死
是間余收爾骨焉秦師遂東過周北門左右免胄而下
超乘者三百乘王孫滿尚幼觀之言于王曰秦師輕而
無禮必敗輕則寡謀無禮則脫入險而脫又不能謀能
無敗乎及滑鄭商人絃高將市于周遇之以乘韋先牛
十二犒師曰寡君聞吾子將步師出于敝邑敢犒從者
不腆敝邑為從者之淹居則具一日之積行則備一夕
之衛且使遽告于鄭鄭穆公使視客館則束載厲兵秣
馬矣使皇武子辭焉杞子奔齊逢孫揚孫奔宋孟明曰

鄭有僭矣不可冀也攻之不克圍之不繼吾其還也滅滑而還晉原軫曰秦違蹇叔而以貪勤民天奉我也奉不可失敵不可縱縱敵患生違天不祥必伐秦師樂枝曰未報秦施而伐其師其為死君乎先軫曰秦不哀再喪而伐吾同姓秦則無禮何施之為吾聞之一日縱敵數世之患也謀及子孫可謂死君乎遂發命遽興姜戎子墨衰經梁弘御戎蒙駒為右敗秦師于殽獲百里孟明視西乞術白乙丙以歸遂墨以葬文公晉于是始墨文嬴請三師許之先軫怒曰武夫力而拘諸原婦人暫而免諸國墮軍實而長寇讎亡無日矣不顧而唾公使陽處父追之及諸河則在舟中矣釋左驂以公命贈孟明孟明稽首曰君之惠不以累臣釁鼓使歸就戮于秦寡君之以為戮死且不朽若從君惠而免之三年將拜君賜秦伯素服郊次卿師而哭曰孤違蹇叔以辱二三子孤之罪也不替孟明孤之過也大夫何罪且吾不以一眚掩大德陳氏曰晉之霸秦有力焉自城濮以

來無復不從也文公未葬襄公墨衰及姜戎氏要秦師于穀敗之夫晉帥天下諸侯以殲夷狄存中國也秦有力焉而及姜戎敗之秦晉之構怨自是始更三君交兵無虛歲曾不十年晉遂不兢而楚伯是故特書及而晉子貜稱人然則善秦歟自韓原秦師無君大夫則非善可知也晉遂不兢而楚伯秦亦與有力焉耳

晉人

敗狄于箕魯僖公卒子興嗣

是為文公左氏曰齊國莊子來聘自邾勞至于贈賄

禮成而加之以敬滅文仲言于公曰國子為政齊猶有禮君其朝焉臣聞之服于有禮社稷之衛也冬公如齊

反夢于小

晉人陳人鄭人伐許

左氏曰討其貳于楚也楚金尹子上侵陳蔡陳

蔡成遷伐鄭將納公子瑕門于梧扶之門瑕覆于周氏之汪外僕覓屯禽之以獻文夫人飲而葬之鄆城之下晉陽處父使蔡楚子上救之與晉師夾泝而軍陽子惠之使謂子上曰吾聞之文不犯順武不逼敵子若欲戰

則吾退舍子濟而陳遲速唯命不然紆我老師費財亦無益也乃駕以待子上欲涉大原伯曰不可晉人無信半涉而薄我悔敗何及不如紆之乃退舍陽子宣言曰楚師遁矣遂歸楚師亦歸太子商臣謂子上曰受晉賂而辟之楚之恥也罪

二十有六年

魯文公

二月癸亥日有

食之王使叔服如魯葬使毛伯錫魯侯命

胡氏曰諸侯終喪入見則

有錫歲時來朝則有錫能敵王所雋則有錫禮諸侯喪畢以士服見天子已見錫之敵冕圭璧然後歸今文公繼世喪制未終非能初

晉侯來朝于溫伐衛

左氏曰晉文公之季

年諸侯朝晉衛成公不朝使孔達侵鄭伐縣皆及匡晉襄公既祥使告于諸侯而伐衛及南陽先且居曰效尤禍也請君朝王臣從師晉侯朝王于溫先且居胥臣伐衛周戚取之獲孫昭子衛人使告于陳陳共公曰更伐

之我辭之衛孔
連帥師伐晉

魯侯使叔孫得臣來拜衛人伐晉楚世

子商臣弑楚成而自立

是為穆公左氏曰初子將以商臣為太子訪諸令尹子上子上

曰君之齒未也而又多愛黜乃亂也楚國之舉恒在少者且是人也蠡目而豺聲忍人也不可立也弗聽既又欲立子職而黜太子商臣聞之而未察告其師潘崇曰若之何而察之潘崇曰享江芋而弗敬也從之江芋怒曰呼復夫宜君王之欲殺女而立職也告潘崇曰能事諸子曰不能能行乎曰不能能行大事乎曰能冬以宮甲圍楚子請食熊蹯而死弗聽
二十有七年晉侯及秦
組諡之曰靈不瞑曰成乃瞑

師戰于彭衙秦師敗績

左氏曰殺之役晉人既歸秦師秦大夫及左右皆言于秦伯曰

是敗也孟明之罪也必殺之秦伯曰是孤之罪也用尚良夫之詩曰大風有隧貪人敗類聽言則對誦言如醉

匪用其良履俾我悖是貪故也孤之謂矣孤實貪以禍
夫子夫子何罪復使為政文之二年春秦孟明視帥師
伐晉以報穀之役晉侯禦之先且居將中軍趙衰佐之
王官無地御戎狐朔居為右及秦師戰于彭衙秦師敗
績晉人謂秦拜賜之師秦伯猶用孟明孟明增修國政
重施于民趙成子言于諸大夫曰秦師又至將必辟之
懼而增德

宋公陳侯鄭伯晉魯公孫敖盟于垂隴

左氏

曰穆伯會諸侯及晉司空士穀盟于垂隴晉討衛故也
書士穀堪其事也陳氏曰晉逆以大夫盟諸侯也大
夫而與諸侯敵于是始故書大夫專盟自士穀也然則
士穀主是盟也則曷為序于諸侯之下春秋不以大夫
主乎盟也是故託于宋不以大夫主盟翟泉貶此何以
不貶貶不于其甚則于事端餘實錄而已矣自書士穀
而後凡役書大夫垂隴主士穀新城主趙盾而後大夫
與諸侯序于是成之盟書齊國左隨之會書宋華元甚

者無伯而君與大
夫並列于會矣

晉人宋人陳人鄭人伐秦

左氏曰晉先
且居宋公子

成陳轅選鄭公子歸生伐秦取汪及彭衙而還以
衛之役卿不書為穆公故尊秦也謂之崇德也

二十

有八年晉人宋人魯人陳人衛人鄭人伐沈沈潰

左氏
曰以

其服于
楚也

王叔文公卒

王子
虎也

秦人伐晉

左氏曰秦伯伐晉
濟河焚舟取王官

及郊晉人不出遂自茅津濟封穀尸而還霸西戎用孟
明也君子是以知秦穆公之為君也舉人之周也與人

之壹也孟明之臣也其不解也能懼思
也子桑之忠也其知人也能舉善也

秦伯師還誓于

師書秦誓篇曰公曰嗟我士聽無諱子誓告汝羣言之
首古人有言曰民訖自若是多盟責人斯無難惟受

責俾如流是惟艱哉穆公首援古人之言盟難艱凡四
語三韻盟如盤樂急傲之盟人惟多盟所以樂放恣憚

檢束喜邪忌正不能受責穆公引此意正受責而多盤其病源也我心之憂日月逾邁若弗云來此穆公悔多盟之失也惟古之謀人則曰未就子忌惟今之謀人姑將以為親古今謀人猶云前輩後輩也前輩謂未可輕乃反忌之于後輩則苟焉親信之此穆公悔其不能受責也雖則云然前過雖不可追後來尚可勉也尚猷詢絲黃髮則罔所愆番番良士旅力既愆我尚有之此復思用古人之謀也仇仇勇夫射御不違我尚不欲惟截截善謫言俾君子易辭我皇多有之昧昧我思之勇夫謫言皆今之謀人也既不欲用此勇夫矣又悔用謫言之舊失懲創之深也如有一个臣斷斷猗無他技其心休休焉其如有容焉人之有技若己有之人之彥聖其心好之不啻若自其口出實能容之以能保我子孫黎民亦職有利哉此因古謀人良士等而工之又思好賢樂善之人茲兼有受責如流之美者此良相之量善類之所以聚國家之福也穆公慨想形容殊有意味人之

有技冒嫉以惡之人之彥聖而違之俾不通是不能容以不能保我子孫黎民亦曰殆哉反上文而言蔽賢疾能之人蓋不但責人無難而已此善類之所以散而國家之禍也邦之扞墮曰由一人邦之榮懷亦尚一人之慶總言國家安危之效蓋由所用善惡之殊而思得君子以終之穆公之意悠哉史記秦紀曰穆公自茅津渡河封穀中尸為發喪哭之三日乃誓于軍曰云云以申不用蹇叔百里奚之謀故作此誓今後世以記余過君子聞之皆為垂涕

履祥按秦誓秦穆公晚年悔過之書也左氏記秦晉之故甚詳而不記作誓之事書序誤以為敗穀還歸之作惟史記繫作誓于取王官封穀尸之後蓋穆公自是不復東征矣此篇穆公更歷懲創之言極為真切穆公于五伯之功為末而晚年所悔庶幾王者之意象焉但所少者剛明之力而或有悠緩之意所望

子人者大而所以
自為者或尚小爾

楚人圍江晉以江故來告王使王叔會晉陽處父帥師

伐楚以救江

左氏曰楚師圍江晉先僕伐楚以救江晉以江故
告于周王叔桓公晉陽處父伐楚以救江

門于方城遇息公子朱而還胡氏曰當是時楚有覆
載不容之罪晉主夏盟宜合諸侯聲罪致討命秦甲出
武關齊以東兵畧陳蔡而南處父等軍方城之外楚必
震恐而江圍自解矣計不出此乃獨遣一軍遠攻強國
豈能濟乎故春秋書伐楚以救江言
救江雖善而所以救之者非其道矣二十有九年狄侵

齊楚人滅江

陳氏曰滅不言圍此
其書圍何以病晉也

王使召公過賜秦伯

金鼓

史記曰秦用由余謀伐戎益國十二間地于
里遂霸西戎天子使召公過賀穆公以金鼓

履祥按伐滅西戎益國十二此非一時茲史記總叙
于此年之下以見天子賜賚之由自周室有犬戎之
難東遷洛陽以滅戎之事委之秦自大
夫而為諸侯于此又有賀賜之寵焉

衛侯使甯武子聘于魯

左氏曰衛甯武子來聘公與之
宴為賦湛湛露斯彤弓不辭又不

答賦使行人私焉對曰臣以為肄業及之也昔諸侯朝
正于王王宴樂之于是乎賦湛露則天子當陽諸侯用
命也諸侯敵王所愾而獻其功王于是乎賜之彤弓一
矢百旅弓矢千以覺報宴今陪臣來繼舊好君辱貺之
其敢干大禮
以自取戾

履祥按魯衛兄弟其聘使往來益常事不悉書也而
邾俞獨書蓋賢俞以病魯也魯以天子禮樂祀周公
而及于魯公之廟賓祭用之可謂僭且褻其來久矣
而武子獨譏其不然魯之君臣亦漫不知省孔子曰

魯之郎禘非禮也周公其衰矣春秋獨書齊俞其諸賢俞以病魯與

三十年王使榮叔歸魯成風之含且賵使召伯會葬

履祥按禮樂征伐自天子出而用之失政亦有以自致自平王已讐戎申而征伐之義失繻葛之敗特不幸耳自仲子之賵天子自壞禮矣而子孫襲之追錫桓公之命歸成風之賵凡天王之禮即探諸侯之意數數然媚之何以服天下之心哉裴度有言韓弘與疾討賊承宗斂手削地非朝廷之力能制其死命特以舉措得宜能服其心故兩周之舉措在後世猶不服況當時強諸侯何以服其心乎

楚滅六滅蓼

左氏曰滅文仲聞六與蓼滅曰臯陶庭堅不祀忽諸德之不建民之無援哀哉三

十有一年晉舍二軍

左氏曰晉蒐于夷舍二軍使狐射姑將中軍趙盾佐之陽處父至自

溫改蒐于董易中軍陽子成季之屬也故黨于趙氏且謂趙盾曰能使國之利也是以上之宣子于是乎始為國政制事典正法罪辟獄刑董逋逃由質要治舊濟本秩禮績常職出滯淹既成以授太傅陽子與太師賈佗使行諸晉國

秦穆公卒子罃嗣

是為康公左氏曰秦伯任好卒以子車氏之三

子奄息仲行鍼虎為殉皆秦之良也國人哀之為之賦黃鳥史記曰繆公卒葬雍從死者百七十七人秦之

良臣子與氏三人亦在從死之中秦人哀之子王子曰當時稱賢君固未有出穆公之右者而其卒也三良殉而黃鳥之詩哀或以為此穆公之遺命也其言過矣穆公之于晉也怨其君而矜其民不忍其飢而死也穆公之于秦也自悔其過不忍殺敗軍之三大夫豈以無罪之三良而命之從死必不然也以人殉其益出于戎狄之俗責穆公不察其非禮無遺命以變其俗則可也責穆公有遺命迫其從死則不可也惟孫秦山止責康

公而不及其他此為得其情者至朱子之論而非始
定曰王政不綱諸侯擅命殺人不忌習以為常無明王
賢伯以討其罪
此為可歎耳

晉襄公卒晉人逆公子雍于秦

左氏曰
晉襄公

卒重公少晉人以難故欲立長君趙孟曰立公子雍好
善而長先君愛之且近于秦秦舊好也置善則固事長
則順立愛則孝結舊則安為難故故欲立長君有此四
德者難必舒矣賈季曰不如立公子樂辰嬴嬖于二君
立其子民必安之趙孟曰辰嬴賤班在九人其子何震
之有且為二嬖淫也為先君子不能求大而出在小國
辟也毋淫子辟無威陳小而遠無援將何安焉杜祁以
君故讓伯姑而上之以狄故讓季隗而已次之故班在
四先君是以愛其子而仕諸秦為亞卿焉秦大而近足
以為援毋義子愛足以威民立之不亦可乎使先蔑士
會如秦逆公子雍先蔑之使也荀林父止之曰夫人太
子猶在而外求君此必不行子以疾辭不然將及弗聽

賈季亦召公子樂于陳趙孟使殺諸邢賈季怨陽子易其班也使續蜀居殺陽處父晉殺續簡伯賈季奔狄履祥按晉自文公始霸後世賴之公子雍親文公子年長而賢趙孟立之是矣而偏于穆嬴卒詐敗秦師而立靈公晉遂失霸其後靈公不君卒以欲殺趙盾見弑而盾亦卒被弑君之名見義而為之不終惜哉然則太子在而外立君事理人情豈不難乎曰太子幼而公子雍為攝主此亦先王之法春秋之初固有此例也亦何為而不可哉

三十有二年魯取湏句

杜氏曰絕太皞之祀

宋成公卒子杵臼嗣

是為宋人殺其大夫

左氏曰宋成公卒昭公將去羣公子樂豫曰不可公族公室之枝葉

也若去之則本根無所庇廕矣葛藟猶能庇其本根故君子以為此況國君乎此諺所謂庇焉而縱尋斧焉者

也必可君其國之親之以德皆服肱也誰敢攜貳若之
何去之不聽穆襄之族率國人以攻公殺公孫固公孫
鄭于公宮六卿和公室樂豫舍司
馬以讓公子印昭公即位而葬
晉趙盾立世子夷皋

是為
靈公
晉人及秦人戰于令狐先蔑士會奔秦
左氏曰秦

子雍于晉曰文公之入也無衛故有呂卻之難乃多與
之徒衛穆嬴日抱太子以啼于朝曰先君何罪其嗣亦
何罪舍適嗣不立而外求君將焉寘此出朝則抱以適
趙氏頻首于宣子曰先君奉此子也而屬諸子曰此子
也才吾受子之賜不才吾唯子之怨今君雖終言猶在
耳而棄之若何宣子與諸大夫皆患穆嬴且畏偪乃背
先蔑而立靈公以梁秦師箕鄭居守趙盾將中軍先克
佐之荀林父佐上軍先蔑將下軍先都佐之步招御戎
戎津為右及堇陰宣子曰我若受秦秦則賓也不受寇
也既不受矣而復緩師秦將生心先人有奪人之心軍

之善謀也。逐寇如追逃軍之善政也。訓卒利兵，殊焉。

尋食沿師夜起，敗秦師于令狐。先蔑奔秦，士會從之。

履祥按：令狐之役，曲在晉大夫也。故春秋書晉人及秦人戰，然秦伯在焉，而亦人之也。何居五伯莫賢于穆公？穆公三置晉君，皆以重賂征晉河東，許君焦瑕，率可見矣。況康公之賢不及穆公，其多公子雍之衛而親納之，必非義舉。要賂可知，春秋之人秦伯為賂故也。左氏雖不言其事，而其事固可想矣。

狄侵魯西鄙

左氏曰：狄侵我西鄙，公使告于晉。趙宣子使因賈季問鄭郤且讓之。

齊侯宗

公魯侯衛侯鄭伯許男曹伯會晉趙盾盟于扈

春秋書曰：公會

諸侯晉大夫盟于扈。左氏曰：晉侯立故也。公後至，故不書所會。凡會諸侯，不書所會後也。後至不書，其國辟不敏也。胡氏曰：趙盾內專廢置君，外強諸侯，為此盟，其不名何也？見大夫之強也。諸侯不序，見公之不及于會。

也又公怠情事多廢緩既約晉盟而復後至三十有三
魯自是日益衰矣陳氏曰晉始失伯也

年八月王崩子壬臣踐位是為晉趙盾魯公子遂盟于

衡雍

左氏曰襄仲會晉趙孟盟于衡雍報扈之盟也

魯使公孫敖入弔不至奔

莒

左氏曰穆伯如周弔喪不至以幣奔莒從已氏焉

資治通鑑前編卷十二

欽定四庫全書

資治通鑑前編卷十三

宋 金履祥 編

癸卯周頃王元年毛伯如魯求金二月葬襄王魯侯使叔孫得臣來會葬

履祥按襄王之喪公孫敖之帶不至於是求金之使焉頃王初政如此其後頃之崩葬遂不見於春秋矣魯固不恪而頃王為已褻也

楚人伐鄭晉人宋人魯人衛人許人救鄭

左氏曰范山言於楚子曰

晉君少不在諸侯北方可圖也楚子師於狼淵以伐鄭鄭及楚平公子遂會晉趙盾宋華耦衛孔達許大夫救鄭不及楚師御不書緩也以懲不恪曹共公卒子壽嗣是為楚侵陳曰楚

侵陳克壺丘以其服於晉也秋楚公子朱自東夷伐陳陳人敗之獲公子伐陳懼乃及楚平燕襄公

卒桓公立二年秦伐晉

陳氏曰狄秦也歸成風之機使衛來聘秦習于禮矣則具狄之

何楚之霸秦之力也自滅庸之後秦為楚役自晉主諸夏之盟舍秦無加兵於晉者也會于夷儀之歲秦晉成而不結又明年盟于宋而南北之勢成楚子曰釋齊秦他國請相見也是戰國之萌也于序書系秦于周末于作春秋由韓原之後秦師無君大夫皆夫子所以深致意于秦也吾聞用夏變夷矣未聞變于夷者也于是狄秦夏之變于夷秦人為之也又三十年而狄蘇子盟魯鄭又五十年而狄晉狄鄭猶可也狄晉甚矣

于女粟

左氏曰頃王立故也

狄侵宋楚子蔡侯次于厥貉

左氏曰陳侯鄭

伯會楚子于息遂及蔡侯次于厥貉將以伐宋宋華御事曰楚欲弱我也先為之弱乎何必使誘我我實不能民何罪乃逆楚子勞且聽命遂道以田孟諸宋公為右孟鄭伯為左孟期思公復遂為右司馬子朱及丈之無畏為左司馬命夙駕載燧宋公違命無畏扶其僕以狗或謂子舟曰國君不可戮也子舟曰當官而行何彊之有胡氏曰楚滅江六平陳與鄭于是乎為伐宋之舉次于厥貉當是時陳鄭宋皆從楚矣獨書蔡侯何哉鄭失三大夫俟救而不及陳獲公子茂而懼宋方有狄難益有不得已者非所欲也蔡無四境之虞則是得已不已志從夷狄矣故削三年楚子伐麇晉人魯人會于承三國書蔡侯以惡之

匡

左氏曰叔仲惠伯會卻缺于承匡謀諸侯之從于楚者

魯叔孫得臣敗狄于鹹

左氏曰鄭瞞侵齊遂伐我公使叔孫得臣追之侯叔夏御綿房甥為右富父終甥駟乘敗狄于鹹獲長狄僑如富父終甥擒其喉以戈殺之埋其首于子駒之門初宋武公之世鄭瞞伐宋司徒皇父帥師禦之邢班御公子穀甥為右司寇牛父駟乘以敗狄于長丘獲長狄緣斯晉之滅潞也獲僑如之弟焚如齊襄公之二年鄭瞞伐齊齊王子戌父獲其弟榮如理其首于四年楚周之北門衛人獲其季弟簡如鄭瞞由是遂亡

人圍巢

左氏曰楚成嘉為令尹羣舒叛楚子孔執舒子平及宗子遂圍巢

秦伯使術聘

于魯左氏曰秦伯使西乞術來聘且言將伐晉襄仲辭玉曰君不忘先君之好照臨魯國鎮撫其社稷重之以大器寡君敢辭玉對曰不腆敝器不足辭也主人三辭賓答曰寡君願徵福于周公魯公以事君不腆先君之敝器使下臣致請執事以為瑞節要結好命所以藉寡君之命結二國之好是以敢致之襄仲曰不有君

子其能國乎國
無陋矣厚賄之

後祥按春秋自韓原之後秦師無君大夫秦康之戰
伐狄之人之而于其聘魯也稱秦伯書其大夫馬惡
其兵而嘉其禮也然其時秦楚交聘于魯前書撤後
書衛雖皆嘉之而不書其族以秦楚之未有族秦後
封至穆公始文至是再加禮于魯且言將伐晉
魯主晉而重違秦故厚賄之非徒以其文也

晉人秦人戰于河曲

左氏曰秦為令狐之役故秦伯伐
晉取羈馬晉人禦之趙盾將中軍

荀林父佐之卻缺將上軍臾駢佐之欒盾將下軍胥甲
佐之范無恤御戎以從秦師于河曲臾駢曰秦不能久
請深壘固軍以待之從之秦人欲戰秦伯謂士會曰若
何而戰對曰趙氏新出其屬曰臾駢必實為此謀將以
老我師也趙有側室曰穿晉君之璫也有寵而弱不在
軍事好勇而狂且惡臾駢之佐上軍也若使輕者肆焉

其可秦軍掩晉上軍趙穿追之不及反怒曰襄糧坐甲固敵是求敵至不擊將何俟焉軍吏曰將有待也穿曰我不知謀將獨出乃以其屬出宣子曰秦獲穿也獲一卿矣秦以勝歸我何以報乃皆出戰交綏秦行人夜戒晉師曰兩軍之士皆未慙也明日請相見也史駢曰使者目動而言肆懼我也將遁矣薄諸河必取之胥甲趙穿當軍門呼曰死傷未收而棄之不惠也不待期而薄人於險無勇也乃止秦師夜遁復侵晉入瑕明年晉侯使詹嘉處瑕以守桃林之塞晉人患秦之用士會也六卿相見于諸浮趙宣子曰隨會在秦賈季在狄難日至矣若之何中行桓子曰請復賈季能外事且由舊勲卻成子曰賈季亂且罪大不如隨會能賤而有耻柔而不犯其知足使也且無罪乃使魏壽餘偽以魏叛者以誘士會執其帑于晉使夜逸請自歸于秦秦伯許之履士會之足于朝秦伯帥于河西魏人在東壽餘曰請東人之能與夫二三有司言者吾與之先使士會士會辭曰晉

人虎狼也若背其言臣死妻子為戮無益于君不可悔也秦伯曰若背其言所不歸爾帑有如河乃行繞朝贈之以策曰子無謂秦無人吾謀適不用也既濟魏入謀而還秦人歸其孥其處者為劉氏

履祥按秦晉亟戰春秋之所深厭是以交人之秦晉亟戰而楚霸矣晉主夏盟而君幼國偷軍謀不一其始見于河曲之戰其甚見于邲之敗益一轍也

五年陳共公卒

子平國嗣

是為靈公

邾文公卒子獲且嗣

是為定公

左氏曰邾文公卜遷于緡史曰利于

民而不利于君邾子曰苟利于民孤之利也天生

民而樹之君以利之也民既利矣孤必與焉左右

曰命可長也君何弗為邾子曰命在養民死之短長

時也民苟利矣遷也吉莫如之遂遷

于緡五月邾文公卒君子曰知命魯侯朝于晉

衛侯會魯侯于沓狄侵衛魯侯及晉侯盟鄭伯會魯

侯于棐

左氏曰公如晉朝且尋盟衛侯會公于沓請平于晉公還鄭伯會公于棐亦請平于晉公

皆成

楚熊商臣死子旅嗣

是為莊公左氏曰楚莊立于孔潘崇將襲羣舒使

公子變與子儀守而伐舒蓼二子作亂城郢而使賊殺子孔不克而還二子以楚子出將如商密盧戰黎及叔康誘之遂殺闕克及公子變初闕克囚于秦秦有轂之敗而使歸求成成而不得志公子變求令尹而不得故六年王崩子班踐位是為匡王左氏曰頃王崩周公閱與王孫蘇爭尹氏聃啟如晉左氏曰周公將與王孫蘇訟于晉王叛王孫蘇政故不赴而使尹氏與聃啟訟周公于齊昭公卒子舍嗣宋公晉趙宣子平王室而復之

魯侯陳侯衛侯鄭伯許男曹伯會晉趙盾同盟于新城

左氏曰從于楚者服且謀邾也 陳氏曰向也扈之盟不序諸侯此其復序何諸夏之志也 晉救江無功救鄭無功與秦亟戰而楚浸強交聘于中國得蔡次厥貉矣而晉遂不競于是公朝晉衛侯來會公還自晉鄭伯來會諸夏之懼甚矣汲汲于晉而為此盟如之何勿序也以諸夏之汲汲于晉也而徒以趙盾主是盟書曰同盟衆辭也自幽以來未之有 晉人納捷菑于邾弗克納左也則不予晉以主是盟也 晉人納捷菑于邾弗克納左曰邾文公之卒也公使弔焉不敬邾人來討伐我南鄙故惠伯伐邾邾文公元妃齊姜生定公二妃晉姬生捷菑又公卒邾人立定公捷菑奔晉晉趙盾以諸侯之師八百東納捷菑于邾邾人辭曰齊出獲且長宣子曰辭順而弗從不祥乃還 穀梁氏曰其曰人微之也長穀五百乘繇地千里過宋鄭滕薛夔入千乘之國欲變人

之主至城下然後知何知之晚也 陳氏曰楚方交聘中國得蔡次厥貉矣而晉區區納亡公子于邾又以少陵長見辭於邾人自敗于令狐盟于扈救鄭戰河曲趙盾皆不書由是訖靈公之篇兵車之會自參以上敗人之趙盾為之也 齊公子商人弑其君舍而自立 是為單伯如齊

齊人執單伯執其君舍之母魯子叔姬

左氏曰子叔姬妃齊昭公生舍

叔姬無寵舍無威公子商人驟施于國而多聚士盡其家貨于公有司以繼之昭公卒舍即位執商人弑舍而讓元元曰爾求之久矣我能事爾爾不可使多蓄憾將免我乎爾為之襄仲使告于王請以王寵求昭姬于齊曰殺其子焉用其母請受而罪之冬單伯如齊請子叔姬齊人執之又執子叔姬 穀梁氏曰舍未踰年而曰居成舍之為君所以重商人之弑也 胡氏曰執王人執其母皆商人也而以為齊人何也商人弑君之罪已

彰而齊人黨賊之惡未著商人以財誘國人而濟其惡齊人懷商人之私惠弑其君而不能討執其母而莫之救則舉國之人皆罪也已酉匡王元年魯季孫行父如晉宋司馬

華耦如魯盟曹伯朝于魯

履祥按魯晉宋曹之交畏齊楚也

六月辛丑朔日有食之單伯自齊及于魯

左氏曰齊人許單伯請而

赦之使來致命十二月齊人來歸子叔姬王故也

晉卻缺帥師伐蔡入之

左氏曰新

城之盟蔡人不與晉卻缺以上軍下軍伐蔡

齊人侵魯

諸侯盟于扈

左氏曰齊人侵我西鄙故季文子告于晉侯宋公衛侯蔡侯陳侯鄭伯許男曹伯

盟于扈尋新城之盟且謀伐齊也齊人賂晉侯故不克而還于是有齊難公不會書曰諸侯盟于扈無能為故

也齊人侵魯遂伐曹

左氏曰齊侯侵我西鄙謂諸侯不能也遂伐曹入其郛討其來朝也

季文子曰齊侯其不免乎已則無禮而討于有禮者曰汝何故行禮禮以順天天之道也已則反天而又以討人難以免矣詩曰胡不相畏不畏于天君子之不虐幼賤畏于天也畏天之威于時保之不畏于天將何能保以亂取國奉禮以守猶懼不終多行無禮弗能在矣蔡莊侯卒子申嗣是為文侯二年

楚人秦人巴人滅庸

左氏曰楚大饑戎伐其西南又伐其東南庸人帥羣蠻以叛楚麇人

率百濮聚于選將伐楚于是申息之北門不啓楚人謀徙于阪高蔣賈曰不可我能往勉亦能往不如伐庸夫麇與百濮謂我饑不能師故伐我也我若出師必懼而歸百濮離居將各走其邑雖暇謀人乃出師旬有五日

百濮乃罷自廬以往振廩同食次于句瀝使廬戢黎侵庸及庸方城庸人逐之囚于揚扈三宿而逸曰庸師衆羣蠻聚焉不如復大師且起王卒合而後進師叔曰不可姑又與之遇以驕之彼驕我怒而後可克先君蚡冒所以服陞隰也又與之遇七遇皆北唯裨僚魚人實逐之庸人曰楚不足與戰矣遂不設備楚子乘驛會師于臨品分為二隊子越自石溪子貝自仞以伐庸秦人巴人從楚師羣蠻從楚子盟遂滅庸

履祥按楚恃其強陵蔑小國其臣屬之者待之必無恩禮故一旦饑弱則羣起而攻之矣庸小國也而幸其饑弱率羣蠻叛之此滅亡之招也楚莊初年內有鬬克公子變之亂外有庸麋之難而卒以霸禍患之有益于人國如此

宋人弑其君昭公而立其弟鮑

是為文公左氏曰宋公子鮑禮于國人宋飢竭

其粟而貸之年自七十以上無不饋詒也時加羞珍異無日不數于六卿之門國之材人無不事也親自桓以下無不恤也襄夫人助之施昭公無道夫人將使公田而殺之蕩意諸曰盍適諸侯公曰不能其大夫至于君祖母以及國人諸侯誰納我且既為人君而又為人臣不如死冬將田孟諸未至夫人王姬使師旬攻而殺之蕩意諸死之書曰宋人殺其君杵臼君無道也文公即位世家云襄夫人使衛伯殺昭公

三年晉人衛人陳人鄭伐宋諸侯會于扈

左氏曰晉荀林父衛孔達

陳公孫寧鄭石楚伐宋討曰何故弑君猶立文公而還卿不書失其所也晉侯蒐于黃父遂復合諸侯于扈平宋也公不與會齊難故也書曰諸侯無功也于是晉侯不見鄭伯以為貳于楚也鄭子家使執訊而與之書以告趙宣子曰寡君即位三年召蔡侯而與之事君九月蔡侯入于敝邑以行敝邑以侯宣多之難寡君是以不

得與蔡侯偕十一月克減侯宣多而隨蔡侯以朝于執
事十二年六月歸生佐寡君之嫡夷以請陳侯于楚而
朝諸君十四年七月寡君又朝以歲陳事十五年五月
陳侯自敝邑往朝于君往年正月燭之武往朝夷也八
月寡君又往朝以陳蔡之密邇于楚而不敢貳焉則敝
邑之故也雖敝邑之事君何以不免在位之中一朝于
襄而再見于君夷與孤之二三臣相及于絳雖我小國
則蔑以過之矣今大國曰爾未逞吾志敝邑有亡無以
加焉古人有言曰畏首畏尾身其餘幾又曰鹿死不擇
音小國之事大國也德則其人不德則其鹿也鉅而
走險急何能擇命之罔極亦知亡矣將悉敝賊以待于
僚唯執事命之文公二年六月壬申朝于齊四年二月
壬戌為齊侵蔡亦獲成于楚居大國之間而從于強令
豈其罪也大國若弗圖無所逃命晉鞏朔行成于鄭趙
穿公壻池為質焉冬鄭甘歆敗戎于邲垂四年魯文公
太子夷石楚為質于晉

卒子赤嗣

左氏赤作惡

秦康公卒子稻嗣是為齊人弑其君

商人立公子元

是為惠公 左氏曰齊懿公之為公子也與邠歃之父爭田弗勝及即位

乃掘而刖之而使歃僕納閭職之妻而使職勝乘夏公遊于申池二人浴于池歃以扑扶職職怒歃曰人奪女妻而不起一扶女庸何傷職曰與刖其父而弗能病者何如乃謀弑懿公納諸竹中歸舍爵而行齊人立公子元

履祥按宋昭公不能其君祖母以及國人襄夫人使人殺之商人弑君之賊故邠歃閭職不書盜而二君皆稱國人以弑商人書君罪齊人嘗君之也

魯公子遂弑其君之子赤及公子視立公子倭

是為宣公

左氏曰文公二妃敬嬴生宣公敬嬴嬖而私事襄仲宣公長而屬諸襄仲襄仲欲立之叔仲不可仲見于齊侯而請之齊侯新立而欲親魯許之冬十月仲殺惡及視而立宣公書曰子卒諱之也仲以君命召惠伯其宰公丹務人止之曰入必死叔仲曰死君命可也公丹務人曰若君命可死非君命何聽弗聽乃入殺而埋之焉矢之中公丹務人奉其孥以奔蔡既而復叔仲氏夫人姜氏歸于齊將行哭而過市曰天乎仲為不道殺嫡立庶市人皆哭魯

莒弑其君紀公

左氏曰莒紀公生太子僕又生季佗愛季佗而黜僕

且多行無禮于國僕因國人以弑紀公以其寶玉來奔納諸宣公公命與之邑曰今日必授季文子使司寇出諸竟曰今日必達公問其故季文子使大史克對曰先大夫臧文仲教行父事君之禮行父奉以周旋弗敢失隊曰見有禮于其君者事之如孝子之養父母也見失禮于其君者誅之如鷹鷂之逐鳥雀也先君周公制周

禮曰則以觀德德以處事事以度功功以食民作誓命曰毀則為賊掩賊為藏竊賄為盜盜羈姦主藏之名賴姦之用為大山德有常無赦在九刑不忘行父還觀莒僕莫可則也孝敬忠信為吉德盜賊藏姦為凶德夫人則盜賊也其羈則姦兆也保而利之則主藏也以訓則羈民無則焉不度于善而皆在于凶德是以去之

後祥按春秋弑君之罪自宋昭至齊莒書法皆變蓋自其君無道而亂臣賊子皆有所因也春秋之法弑君而變置則立者為首惡襄仲弑赤而立宣公季孫行父上不能為季友次不能為惠伯專莒僕之事以叔宣公之短己而為之使齊納賂自是政權卒歸季氏矣

五年

魯宣公

齊侯魯侯會于平州齊人取魯濟西田

左氏曰公

子遂如齊逆女遂以婦姜至自齊季文子如齊納賂以請會會于平州以定公位東門襄仲如齊拜成齊人取濟西之田為立公故以賂齊也

履祥按魯昭姬適齊生舍為商人所弑而反魯齊哀姜適魯生亦為遂所弑而反齊二事蓋一類也然齊人氏及既自立矣則許襄仲之請而立魯宣公亦視其自出也見殺而不顧哀姜其姑姊妹也大歸而不恤徒以利重賂利嫁女利濟西之田故爾豈不思子赤之死猶舍之死宣之立猶商人之立哀姜之歸猶昭姬之歸乎在己則惡之在人則許之不能免羞惡之心以至於此也魯宣公之立重賈士田既輸之齊外為強齊所抑內為三家所專何樂于為君而為此哉吾故曰齊患見利而忘義魯宣見利而忘害也

楚子鄭人侵陳遂侵宋

左氏曰宋人之弑昭公也晉荀林父以諸侯之師伐宋宋及晉

平宋文公受盟于晉又會諸侯于扈將為魯討齊皆取賂而還鄭穆公曰晉不足與也遂受盟于楚陳共公之

卒楚人不禮焉陳靈公受盟于晉秋楚子侵陳遂侵宋胡氏曰楚書爵而人鄭者貶之也鄭伯本以晉之取

賂為不足與而受盟于楚今乃附楚而亟病中國何義乎陳氏曰南北之勢于是始也後十五年而宋楚平

後十五年而晉趙武楚屈建同盟于宋諸夏分為晉楚之從矣南北之勢于是始故謹書之也晉趙盾

帥師救陳宋公陳侯衛侯曹伯會晉師于棐林伐鄭左氏

曰楚為賈救鄭遇于北林囚晉解揚晉人乃還晉人宋人伐鄭之役也于是晉

侯侈趙宣子為政驟諫而不入故不競于楚

履祥按趙宣子捕幼君不為置賢
師傅而徒強諫此宣子之失也

六年宋華元帥師及鄭公子歸生帥師戰于大棘宋師

敗績獲宋華元

左氏曰鄭公子歸生受命于楚伐宋宋華元樂呂御之戰于大棘宋師敗績囚

華元獲樂呂及甲車四百六十乘俘二百五十人馘百人將戰華元殺羊食士其御羊斟不與及戰曰疇昔之羊子為政今日之事我為政與入鄭師故敗宋人以兵車百乘文馬百駟以贖華元于鄭半入華元逃歸立于門外告而入見叔牂曰子之馬然也秦師伐晉

左氏曰對曰非馬也其人也既合而來奔晉欲求

成于秦趙穿曰我侵崇秦急崇必救之吾以求成焉晉趙穿侵崇秦弗與成秦師伐晉以報崇也遂圍焦

人宋人衛人陳人侵鄭

左氏曰晉趙盾救焦遂自陰地及諸侯之師侵鄭楚闕椒救鄭

次于鄭以待晉師趙盾曰彼宗競于楚殆將斃矣姑益其疾乃去之又明年闕叔將攻楚子遂滅若敖氏陳氏曰此晉趙盾以諸侯之師曷為敗稱人以晉為甚不競于楚也楚方圖伯而晉以大夫用諸侯由是兵車之會自參以上敗人之而自抑勢之役楚皆稱子矣胡氏曰鄭居大國之間從于強今豈其罪乎不能以德鎮撫而日爭之庸何愈于楚乎

晉趙盾弑其君靈公迎

襄公弟黑臀于周立之

是為成公左氏曰晉靈公不君厚斂以彫牆從臺上彈

人而觀其辟丸也宰夫胹熊蹯不熟殺之真諸春使婦人載以過朝趙盾士季見其手問其故而患之將諫士季曰諫而不入則莫之繼也會請先不入則子繼之三進及溜而後視之曰吾知所過矣將改之稽首而對曰人誰無過過而能改善莫大焉猶不改宣子驟諫公患之使鉏麇賊之眾往寢門聞矣盛服

將朝尚早坐而假寐慶退歎而言曰不忘恭敬民之主也賊民之主不忠棄君之命不信有一于此不如死也觸槐而死秋九月晉侯飲趙盾酒伏甲將攻之其右提彌明知之趨登曰臣侍君宴過三爵非禮也遂扶以下公嗾夫欒焉明搏而殺之闕且出提彌明死之靈輒與為公介倒戟以禦公徒而免之遂自亡也注謂靈輒亡當時宣子自出亡趙穿攻靈公于桃園宣子未出山而復太史書曰趙盾弑其君以示于朝宣子曰不然對曰子為正卿亡不越境反不討賊非子而誰宣子曰嗚呼我之懷矣自貽伊戚其我之謂矣宣子使趙穿逆公子黑臀于周立之初驪姬之亂詛無畜羣公子自是晉無公族及成公即位乃宦卿之適而為之田以為公族又宦其餘子亦為餘子其庶子為公行晉于是有公族餘子公行趙盾請以括為公族曰君姬氏之愛子也微君姬氏則臣狄人也公許之

履祥按左氏引孔子曰董狐古之良史也書法不隱
趙宣子古之良大夫也為法受惡惜也越竟乃免此
非夫子之言也方靈公欲殺趙盾至于伏甲攻之盾
力闕而出于是出亡而趙穿攻靈公于後穿何怨于
公而為此是必有所受命矣盾非果奔也故未出山
實使穿也故不討賊夫子書法因董狐之舊豈又為
是言乎而反為趙盾謀也且盾成弑君之故矣縱使
越竟又可免于弑逆之罪乎以是知決非夫子之言
也

十月王崩弟瑜立乙卯定王元年正月葬匡王

胡氏曰四月而

葬王室不君楚子伐陸渾之戎王使王孫滿勞楚子

左氏其禮畧也

曰楚子伐陸渾之戎遂至于雒觀兵于周疆定王使王
孫滿勞楚子楚子問鼎之大小輕重焉對曰在德不在

鼎昔夏之方有德也遠方圖物貢金九牧鑄鼎象物百
物而為之備使民知神姦故民入川澤山林不違不若
螭魅罔兩莫能逢之用能協于上下以承天休桀有昏
德鼎遷于商載祀六百商紂暴虐鼎遷于周德之休明
雖小重也其姦回昏亂雖大輕也天祚明德有所底止
成王定鼎于郊鄒卜世三十卜年七百天所命也周德
雖衰天命未改鼎之輕重未可問也胡氏曰夷狄相
攻不志此其志何也為陸渾在王都之側戎夏雖處族
類不分也而楚又至洛觀兵問鼎故特
書于策以謹華夷之辨桀猾夏之階也

履祥按傳所稱楚子寃周逼王為罪大矣而春秋書
曰楚子伐陸渾之戎無貶辭何也自秦晉遷陸渾之
戎于伊川世謂周室之憂所謂逼我郊甸戎有中國
誰之咎也以楚子伐戎為窺周則秦晉遷我不亦逼
周之甚乎夷狄相攻中國之福楚之伐戎未必非周
室之幸也王城洛邑今河南之河南縣陸渾所居今

河南之陸渾縣戎逼郊甸壤地益相入也則其觀兵于疆未必如秦師之過北門也而其問鼎亦未必如楚靈之求九鼎也亦不過以其為三代相傳之器諸侯未見之實因語及之遂為王孫所警爾王孫滿之言蓋王室防制之意夫鼎實九州圖籍嫁言神姦國之利器不可以示人蓋周室之意也沿春秋者當以經為斷子以為有王者作將比今之諸侯而誅之乎經無貶辭愚以是疑當時楚莊之心或無罪也且天下之罪莫大于逼王而楚國之利莫大于得陳鄭楚莊他日尚能縣陳而復陳得鄭而赦鄭而謂其首有逼周之師此必不然矣春秋誅心之書楚莊無是心宜春秋不以是為罪也

楚人侵鄭

左氏曰晉侯伐鄭鄭及晉平士會入盟夏楚人侵鄭鄭即晉故也

鄭穆公卒

子夷嗣

是為靈公

二年秦共公卒子嗣

是為桓公

鄭公子歸生弑

其君靈公弟堅立

是為襄公左氏曰楚人獻龜于鄭靈公公子宋與子家將見

子公之食指動以示子家曰他日我如此必嘗異味及入宰夫將解龜相視而突公問之子家以告及食大夫龜召子公而弗與也子公怒染指于鼎書之而出公怒欲殺子公子公與子家謀先子家曰畜老猶憚殺之而況君乎反譖子家子家懼而從之夏弑靈公鄭人立子良辭曰以賢則去疾不足以順則公子堅長乃立襄公將去穆氏而舍子良子良不可曰穆氏宜存則固願也若將亡之則亦皆亡去疾何為乃舍之皆為大夫鄭七穆所以盛八年鄭子家卒鄭人討幽公之亂斫子家之棺而逐其族改葬幽公諡之

曰楚子伐鄭三年魯侯朝于齊齊侯止之為高固請昏

胡氏曰宣公比年如齊春秋皆致之蓋危之也夫以魯弑謀于齊而取國以土地賂齊而請會以卑屈事齊而

求安上不知有天王下不知有方伯惟利交是奉而可保乎至是如齊而高固使齊侯止公請叔姬焉秋高固來逆叔姬罪宣公也夫以鄭國福小楚公子圍之賁驕強大來娶于鄭子產辭而卻之使館于外幾不得撫有其室而宣公以魯國周公之後逼于高固請昏其女強委禽焉而不能止惟不知以禮為守身之幹以定其位是以此辱也

楚人伐鄭四年晉趙盾衛孫免侵陳

左氏曰往此辱也

鄭陳及楚平晉衛王使子服求后于齊召公逆王后于

齊五年河徙

西漢書曰王橫言往者天嘗連雨東北風海水溢西南出浸數百里九河之地已為

海所漸矣禹之行河水本隨西山下東北去周王使王

諧云定王五年河徙則今所行非禹之所穿也叔會晉侯宋公衛侯鄭伯曹伯于黑壤諸侯盟于黑壤

左氏曰春衛侯使孫良夫來盟謀會晉也鄭及晉平公
子宋之謀也故相鄭伯以會冬盟于黑壤王叔桓公臨
之以謀不睦晉侯之立也公不朝焉又不使大夫聘晉
人止公子會盟于黃父公不與盟以略免故黑壤之盟
不書諱

燕桓公卒宣公立六年晉師白狄伐秦楚人滅
舒蓼盟吳越七月甲子日有食之既楚師伐陳

左氏曰陳及晉

平楚師伐陳王使單子聘于宋遂自陳聘于楚

國語曰定王使單襄

公聘于宋遂假道于陳以聘于楚火朝覲矣道弗不可
行侯不在疆司空不視塗澤不陂川不梁野有庾積場
功未畢道無列樹壑田若蕪饒宰不致餼司里不授館
國無寄寓縣無施舍民將築臺于夏氏及陳陳靈公與
孔寧儀行父南冠以如夏氏留賓弗見單子歸告王曰
陳侯不有大咎國必亡王曰何故對曰夫辰角見而雨

畢天根見而水涸木見而草木節解四見而而清風戒寒故先王之教曰雨畢而除道水涸而成梁
草木節解而備藏隕霜而冬裘具清風至而修城郭宮
室故夏令曰九月除道十月成梁其時儼曰收而場功
侍而畚揭營室之中王功其始火之初見期于司里此
先王之所以不用財賄而廣施德于天下者也今陳國
火朝覲矣而道路若塞野場若棄澤不陂障川無舟梁
是廢先王之教也周制有之曰列樹以表道立鄙舍以
守路國有郊牧置有寓望數有園草囿有林池所以禦
災也其餘無非穀士民無縣耜野無與草不奪民時不
蔑民功有優無匱有逸無罷國有班事縣有序民今陳
國道路不可知田在草間功成而不收民罷于逸樂是
棄先王之法制也周之秩官有之曰敵國賓至闢尹以
告行理以節逆之侯人為導卿出郊勞門尹除門宗祝
執祀司里授館司徒具徒司空視塗司寇詰姦虞人入
材甸人積薪火師監燎水師監濯膳宰致餐庖人獻饌

司馬陳芻工人展車百官各以物至賓入如歸是故小
大莫不懷愛其貴國之賓至則以班加一等益虔至于
王使則皆官正蒞事上卿監之若王巡守則君親監之
今雖朝也不才有分族于周承王命以為過賓于陳而
司事莫至是蔑先王之官也先王之令有之曰天道賞
善而罰淫故凡我造國無從非彝無即愼淫各守爾典
以承天佑今陳侯不念脩續之常棄其伉儷妃嬪而帥
其卿佐以淫于夏氏不亦瀆姓矣乎陳我大姬之後也
棄衰冕而南冠以出不亦簡彝乎是又犯先王之令也
昔先王之教懋帥其德也猶恐隕越若廢其教而棄其
制蔑其官而犯其令將何以守國居七年王使徵聘于
魯魯侯朝于齊使仲孫蔑入聘左氏曰王使來徵聘夏
孟獻子聘于周王以為
有禮厚賄之晉侯宋公衛侯鄭伯曹伯會于扈晉荀林帥師

伐陳晉成公卒于扈子據嗣

景公為師還楚子伐鄭晉卻

缺帥師救鄭

左氏曰會于扈討不睦也陳侯不會晉荀林父以諸侯之師伐陳晉侯卒于扈乃還

楚子為厲之役故伐鄭晉卻缺救鄭鄭伯敗楚師于柳

芬國人皆喜唯子良憂曰是國之災也吾死無日矣

胡氏曰楚兵加鄭數矣或稱人或稱爵何也鄭自晉成

公初立舍楚而從中國正也楚人為是興師而加鄭不

義矣故宣公三年書人書侵罪之也次年鄭公子歸生

弑其君諸侯未有聲罪致討者而楚師至焉故特書爵

與之也然興師動衆賊則不討惟服鄭之為事則非義

舉矣故又次年傳稱楚子伐鄭而經書人再貶之也至

是稱爵豈與之乎君將不言帥師是以重

兵臨鄭矣下書帥師則知其非與之也

衛成公卒子

遫嗣是為八年齊人歸魯濟西田四月丙辰日有食之

穆公為

齊惠公卒子無野嗣

是為陳夏

徵舒弑其君靈公

左氏曰陳

靈公與孔寧儀行父通于夏姬皆衣其相服以戲于朝

洩冶諫曰公卿宣淫民無效焉且聞不令公告二子遂

殺洩冶陳靈公與孔寧儀行父飲酒于夏氏公謂行父

曰徵舒似女對曰亦似君徵舒病之公出自其廐射而

殺之二晉人宋人衛人曹人伐鄭左氏曰鄭及楚平諸

子奔楚還王使王季子聘于魯國語曰定王八年使劉康公聘

子皆儉叔孫宣子東門子家皆侈歸王問魯大夫孰賢

對曰季孟其長處魯乎叔孫東門其亡乎若家不亡身

必不免王曰何故對曰臣聞之為臣必臣為君必君寬

肅宣惠君也敬恪恭儉臣也寬所以保本也肅所以濟

時也宣所以教施也惠所以和民也本有保則必固時

動而濟則無敗功教施而宣則徧惠以和民則阜若本

固而功成施偏而民阜乃可以長保民矣其何事不徹
敬所以承命也恪所以守業也恭所以給事也儉所以
足用也以敬承命則不違以恪守業則不懈以恭給事
則寬于死以儉足用則遠于憂若承命不違守業不懈
寬于死而遠于憂則可以上下無隙矣其何任不堪上
作事而徹下能堪其任所以為令聞長世也今夫二子
者儉其能足用矣用足則族可以庇二子者侈侈則不
恤匱匱而不恤憂必及之若是則必廣其身且夫人臣
而侈國家弗堪亡之道也王曰幾何對曰東門之位不
若叔孫而泰侈焉不可以事二君叔孫之位不若季孟
而亦泰侈焉不可以事三君若皆蚤世猶可若登年以
載其毒必亡十六年魯宣公卒赴者未及東門氏來告
亂子家奔齊簡王十一
年魯叔孫宣伯亦奔齊
楚子伐鄭左氏曰楚子伐鄭晉
士會救鄭遂楚師于
潁北諸侯
九年楚子陳侯鄭伯盟于辰陵左氏曰楚子
之師戍鄭
伐鄭及櫟子

良曰晉楚不務德而兵爭與其來者可也晉楚無信我焉得有信乃從楚楚盟于辰陵陳鄭服也 楚人

殺陳夏徵舒楚子入陳納公孫寧儀行父于陳迎靈公

子午于晉而立之

是為成公 左氏曰楚子為陳夏氏亂故伐陳謂陳人無動將討于少西

氏遂入陳殺夏徵舒因縣陳陳侯在晉申叔時使于齊反曰夏徵舒弑其君其罪大矣討而戮之君之義也抑人有言曰牽牛以蹊人之田而奪之牛牽牛以蹊者信有罪矣而奪之牛罰已重矣諸侯之從也曰討有罪也今縣陳貪其富也以討召諸侯而以貪歸之無乃不可乎楚子曰善哉吾未之聞也反之可乎對曰吾儕小人所謂取諸其懷而與之也乃復封陳 胡氏曰公孫寧儀行父從君于晉宣淫于朝誅戮諫臣使其君見弑蓋致亂之臣也而又使陳人用之故春秋外二人于陳而特書納納者不受而強納之者也為楚莊者宜如何潛

微舒之宮封洩冶之墓尸孔寧儀行父
于朝謀于陳衆定其君而去其庶幾乎
甲子十年楚子

圍鄭

左氏曰厲之役鄭伯逃歸自是楚未得志焉鄭既受盟于辰陵又徵事于晉春楚子圍鄭旬有七日

國人大臨楚子退師鄭人修城進復圍之三月克之入自皇門至于遠路鄭伯肉袒牽羊以逆曰孤不天不能事君使君懷怒以及敝邑孤之罪也敢不唯命是聽其浮諸江南以實海濱亦唯命其翦以賜諸侯使臣妾之亦唯命若惠顧前好徵福于厲宣桓武不泯其社稷使改事君夷于九縣君之惠也孤之願也非所敢望也敢布腹心君實圖之左右曰不可許也得國無敵楚莊曰其君能下人必能信用其民矣庸可幾乎退三十里而許之平藩凡入盟于良出質

履祥按楚莊之于鄭圍之甚久然入而不取也故春秋罪其圍而不罪其入以楚莊為善于此矣

晉荀林父帥師及楚子戰于邲晉師敗績

左氏曰晉師救鄭荀林父

將中軍先穀佐之士會將上軍卻克佐之趙朔將下軍樂書佐之趙括趙嬰齊為中軍大夫鞏朔韓穿為上軍大夫荀首趙同為下軍大夫韓厥為司馬及河聞鄭既及楚平桓子欲還曰無及于鄭而勦民焉用之隨武子曰善會聞用師觀釁而動德刑政事典禮不易不可敵也楚軍討鄭怒其貳而哀其卑伐叛刑也柔服德也昔歲入陳今茲入鄭民無罷勞君不怨讎政有經矣荆尸而舉商農工賈不敗其業而卒乘輯睦事不奸矣軍行右轅左追傳前茅慮無中權後勁百官象物而動軍政不戒而備能用典矣其君之舉也內姓選于親外姓選于舊舉不失德賞不失勞老有加惠旅有施舍君子小人物有服章賁有常尊賤有等威禮不逆矣德立刑行政成事時典從禮順若之何敵之見可而進知難而退軍之善政也兼弱攻昧武之善經也子姑整軍而經武

乎猶有弱而昧者何必楚彘子曰不可晉所以霸師武臣力也今失諸侯不可謂力有敵而不從不可謂武由我失霸不如死且成師以出聞敵強而退非夫也以中軍佐濟知莊子曰此師殆哉果遇必敗彘子尸之雖免而歸必有大咎韓獻子謂桓子曰彘子以偏師陷子罪大矣子為元帥師不用命誰之罪也失屬亡師為罪已重不如進也事之不捷惡有所分與其專罪六人同之不猶愈乎師遂濟楚子北師次于郟沈尹將中軍子重將左子反將右將飲馬于河而歸聞晉師既濟欲還嬖人伍參欲戰令尹蒍叔敖弗欲曰昔歲入陳今茲入鄭不無事矣戰而不捷參之內其足食乎南轅反旆伍參言于楚子曰晉之從政者新未能行令其佐先穀剛愎不仁未肯用命其三帥者專行不獲聽而無上衆誰適從此行也晉師必敗且君而逃臣若社稷何楚子病之告令尹改乘轅而北次于管以待之晉師在敖鄆之間鄭皇戌使如晉師曰鄭之從楚社稷之故也未有貳心

楚師驟勝而驕其師老矣而不設備子擊之鄭師為承
楚師必敗彘子曰敗楚服鄭于此在矣樂武子曰楚自
克庸以來其君無日不討國人而訓之于民生之不易
禍至之無日戒懼之不可以怠在軍無日不討軍實而
申儆之于勝之不可保紂之百克而卒無後訓之以若
教蚡蜩華路藍縷以啓山林歲之曰民生在勤勤則不
匱不可謂驕先大夫子犯有言曰師直為壯曲為老我
則不德而微怨于楚我曲楚直不可謂老其君之戎分
為二廣廣有一卒卒偏之而右廣初駕數及日中左則
受之以至于昏內官序當其夜以待不虞不可謂無備
子良鄭之良也師叔楚之崇也師叔入盟子良在楚楚
鄭親矣來勸我戰我克則來不克遂往以我卜也鄭不
可從趙括趙同曰率師以來唯敵是求克敵得屬又何
俟必從彘子趙莊子曰樂伯善哉實其言必長晉國楚
少宰如晉師曰寡君少遭閔凶不能文聞二先君之出
入此行也將鄭是訓定豈敢求罪于晉二三子無淹久

隨季對曰昔平王命我先君父侯曰與鄭夾輔周室毋廢王命今卿不率寡君使羣臣問諸鄭直敢辱候人寵子以為誦使趙括更之曰行人失辭寡君使羣臣遭大國之迹于鄭曰無辟敵羣臣無所逃命楚子又求成于晉晉人許之盟有日矣楚許伯御樂伯攝叔為右以致晉師晉人逐之晉魏錡求公族未得而怒欲敗晉師請致師弗許請使許之遂往請戰而還楚潘黨逐之趙盾求卿未得且怒于失楚之致師者請挑戰弗許請召盟許之卻獻子曰二憾往矣弗備必敗彘子曰鄭人勸戰弗敢從也楚人求成弗能好也師無成命多備何為士季曰若二子怒楚楚人乘我喪師無日矣不如備之楚之無惡除備而盟若以惡來有備不敗且雖諸侯相見兵衛不徹警也彘子不可士季使鞏朔韓穿帥七覆于放前趙嬰齊使其徒具舟于河趙旃夜至楚軍席于軍門之外使其徒入之乙卯楚子來左廣以逐趙旃旃乘軍而走林屈蕩搏之逢大夫段旃綏以免晉人懼二子

之怒楚師也使軫車逆之清黨望其塵使聘而告曰晉師至矣楚人亦懼楚子之入晉軍也遂出陳孫叔曰進之寧我薄人無人薄我遂疾進師車馳卒奔乘晉軍桓子不知所為鼓于軍中曰先濟者有賞中軍下軍爭舟舟中之指可掬也晉師右移上軍未動工尹齊將右拒卒以逐下軍楚子使告唐惠侯使潘黨率遊闕四十乘從唐侯以為左拒以從上軍駒伯曰待諸乎隨季曰楚師方壯若萃于我吾師必盡不如收而去之分謗生民不亦可乎殿其卒而退不敗楚熊負羈囚知罃知莊子以其族反之下軍之士多從之曰不以人子吾子其可得乎射連尹襄老載其尸射公子穀臣囚之以二者還及昏楚師軍于郟晉之餘師不能軍宵濟亦終夜有聲楚重至于郟遂次于衡雍潘黨曰君盍築武軍而收晉尸以為京觀臣聞克敵必示子孫以無忘武功楚子曰夫文止戈為武夫武禁暴戢兵保大定功安民和衆豐財者也故使子孫無忘其章今我使二國暴骨暴矣觀

兵以威諸侯兵不戢矣暴而不戢安能保大猶有晉在
焉得定功所違民欲猶多民何安焉無德而強爭諸侯
何以和衆利人之幾而安人之亂以為已榮何以豐財
武有七德我無一焉何以示子孫其為先君官告成事
而已武非吾功也古者明王伐不敬取其鯨鯢而封之
以為大戮于是乎有京觀以懲淫慝今罪無所而民皆
盡忠以死君命又何以為京觀乎祀于河作先君宮告
成事而還晉師歸桓子請死晉侯欲許之士貞子諫曰
城濮之役晉師三日穀文公猶有憂色曰得臣猶在憂
未歇也困獸猶鬪况國相乎及楚殺子玉曰莫余毒也
已是晉再克而楚再敗也楚是以再世不競今天或者
大警晉也而又殺林父以重楚勝無乃久不競乎林父
之事君也進思盡忠退思補過社稷之衛也夫其敗也
如日月之食焉何損于明晉侯使復其位明年晉殺其
大夫
先穀

晉屠岸賈殺趙朔于下宮

史記曰晉景公時趙盾卒子朔嗣朔娶晉成公姊是為莊

姬屠岸賈者始有寵于靈公至景公之三年賈為司寇乃治靈公之賊偏告諸將曰盾雖不知猶為賊首以臣弑君子孫在朝何以懲罪請誅之韓厥曰靈公遇賊趙盾在外吾先君以為無罪故不誅今誅其後非先君之意妄誅謂之亂臣有大事而君不聞是無君也賈不聽韓厥告趙朔趣亡朔不肯曰子必不絕趙祀朔死不恨厥許諾賈擅與諸將攻趙氏于下宮殺趙朔朔妻有遺腹走公宮匿朔客公孫杵臼謂朔友程嬰曰胡不死程嬰曰朔之婦有遺腹幸而男吾奉之即女也吾徐死耳居無何而朔婦生男屠岸賈聞之索于宮中夫人置兒絝中祝曰趙宗滅乎若號即不滅若無聲及索兒竟無聲已脫程嬰謂公孫杵臼曰今一索不得後必且復索之奈何杵臼曰立孤與死孰難程嬰曰死易立孤難耳杵臼曰趙氏先君遇子孺子強為其難者吾為其易者

請先死乃二人謀取他人嬰兒負之衣以文葆置山中
新序即程嬰子程嬰出謬與諸將曰誰能與我千金吾
告趙氏孤處諸將許之遂攻公孫杵臼杵臼謬曰小人
程嬰昔下宮之難不能死與我謀匿趙孤今又賣之乎
諸將遂殺杵臼與孤兒以為趙氏孤已死然趙氏真孤
乃在程嬰卒與俱匿山中居十五年韓厥具以實告于
足景公乃與韓厥謀召趙
氏孤兒匿之宮中名曰武

趙氏之禍左氏謂趙嬰遁于趙莊姬原屏放諸齊莊
姬以是怨原屏譖殺之而趙氏滅武從姬氏育于宮
中史記則謂屠岸賈討靈公之賊殺朔與嬰齊同括
而趙氏滅程嬰杵臼匿趙氏二說不同而史記之說
人多不信以左氏所不載也獨邵氏經世歷書之履
祥按屠岸賈殺趙朔自一事趙莊姬譖殺同括又一
事但史記以為殺朔而盡滅同括嬰
齊則傳聞之失遂與左氏謬戾爾

楚子滅蕭

左氏曰楚子伐蕭宋華椒以蔡人救蕭蕭人因熊相宜僚及公子丙楚子曰勿殺吾退蕭

人殺之怒遂圍蕭蕭潰胡氏曰楚莊假于討賊而滅陳春秋以討賊之義重也未滅而書入惡其貳已而入

鄭春秋以退師之情恕也未滅而書圍至是肆其強暴滅無罪之國其志已盈雖欲赦之不得也故傳稱蕭潰

經以滅書斷其罪也晉人宋人衛人曹人同盟于清邱宋師伐陳

衛人救陳

左氏曰晉原穀宋華椒衛孔達曹人同盟于清邱曰恤病討貳于是卿不書不實其言也

宋為盟故伐陳衛人救之孔達曰先十有一年楚子伐

宋

左氏曰以其救蕭也君子曰清邱之盟唯宋可以免焉晉以衛之救陳也討焉使人弗去曰罪無所歸將

加而師孔達曰苟利社稷請以我說罪我之由我則為政而亢大國之討將以誰任我則死之繼而死衛人以

說于晉而免

履祥按邲之師士會樂書輩非不知楚之所以得不幸而為彘子之謀所敗為晉計者亦盡知所懲艾息民修政于國而布德加禮于諸侯庶為可耳顧汲汲于討貳又使彘子主清邱之盟且楚方加恩于陳而使宋伐之衛方有恤陳之師而晉又討之遂使宋致楚師而不能救卒亦併宋失之矣傳稱清邱之盟唯宋可以免愚謂伐陳不免惟救蕭可免耳

十有二年曹文公卒子廬嗣

宣公是為

晉侯伐鄭

左氏曰晉侯伐鄭為

邲也故告于諸侯蒐焉而還中行桓子之謀也曰示之以整使謀而來鄭人懼使子張代子良于楚鄭伯如楚謀晉故也鄭以子楚子圍宋

左氏曰楚子使申舟聘于齊曰無假道于宋亦使公

良為有禮故召之

楚子圍宋

子馮聘于晉不假道于鄭申舟無畏也以孟諸之役惡
宋曰鄭昭宋聲晉使不害我則必死楚子曰殺汝我伐
之見犀而行及宋華元曰過我而不假道鄙我也鄙我
亡也殺其使者必伐我我亦亡也亡一也乃殺之楚
子聞之投袂而起屨及于室皇釵及于
寢門之外車及于蒲胥之市秋圍宋
十有三年宋人

及楚人平

左氏曰宋人使樂嬰齊告急于晉晉侯欲救之伯宗曰雖鞭之長不及馬腹天方授楚未

可與爭雖晉之彊能違天乎國君含垢天之適也君其
待之乃止使解揚如宋使無降楚曰晉師悉起將至矣
鄭人囚而獻諸楚楚子賂之使反其言不許三而許之
登諸樓車遂致其君命楚子將殺之曰爾既許不穀而
反之連即爾刑對曰君能制命為義臣能承命為信信
載義而行為利義無二信信無二命君之賂臣不知命
也受命以出有死無貲臣之許君以成命也死而成命
臣之祿也楚子舍之以歸夏楚師將去宋申犀稽首于

馬前曰毋畏知死而不敢廢命王棄言焉申叔時僕曰
棄室反耕者從之宋人懼使華元夜入楚師登子反之
牀起之曰寡君使元以病告曰敝邑易子而食析骸以
爨雖然城下之盟有以國斃不可從也去我三十里唯
命是聽子反懼與之盟而告退三十里宋及王札子殺
楚平華元為質盟曰我無爾詐爾無我虞王札子殺

召伯毛伯

左氏曰王孫蘇與召伯毛伯爭政使王子捷
殺召戴公及毛伯衛卒立召襄殺梁氏曰

兩下相殺不志乎春秋此其志何也矯王命以殺之故
曰以王命殺也王命殺則何志焉為天下主者天也繼
天者君也君之所存者命也為人臣而侵其君之命而
用之是不臣也為人君而失其命是不君也君不君臣
不臣此天下晉侯使趙同來獻狄俘左氏曰潞子嬰兒
所以傾也姊也鄭舒為政而殺之又傷潞子之目晉荀林父敗赤
狄于曲梁滅潞鄭舒奔衛衛人歸諸晉殺之晉侯賞桓

子狄臣千室亦賞士伯曰吾獲狄土子之功也微子
吾喪伯氏矣晉侯使趙同獻狄俘于周不敬劉康公
曰不及十年原叔必魯初稅畝左氏曰非禮也穀出
有大咎天奪之魄矣不過藉杜氏曰公
田之法十取其一今又履其餘畝復十收其
一故哀公曰二吾猶不足遂以為常故曰初十有四

年晉人滅赤狄甲氏及留吁來獻俘王以黻冕命晉

士會

左氏曰晉士會帥師滅赤狄甲氏及留吁鐸辰
三月獻狄俘晉侯請于王以黻冕命士會將中

軍且為太傅于是晉國之盜逃奔于秦羊舌職曰吾
聞之禹稱善人邇不善人遠善人在上則國無幸民
請曰民之多幸國之不成周宣榭火左氏曰人火之
幸也是無善人之謂也也人火曰火天

火曰

王孫蘇奔晉晉侯使士會入聘

國語作聘左
氏曰為毛召之

難故王室復亂王孫蘇奔晉晉人復之晉侯使士會平王室定王享之原襄公相禮穀烝武子私問其故王聞之召武子曰季氏而弗聞乎王享有禮薦宴有折俎公當享卿當宴王室之禮也武子歸而講求典禮以修晉國之法

十有五年蔡文侯卒子固嗣

是為景侯

六月癸卯日有食之晉

侯魯侯衛侯曹伯邾子同盟于斷道

左氏曰晉侯使郤克徵會于齊齊頃

公帷婦人使觀之郤子登婦人笑于房跛而登階故笑獻子怒出而誓曰所不此報無能涉河獻子先歸請伐齊弗許齊侯使高固晏弱蔡朝南郭偃會及欽孟高固逃歸夏會于斷道討貳也辭齊人執晏弱蔡朝南郭偃苗賁皇使見晏桓子歸言于晉侯曰舉言羣臣不信諸侯皆有貳志齊君恐不得禮故不出而使四子來或沮之曰君不出必執吾使故高子及欽孟而逃夫三子者曰若絕君好寧歸死焉為是犯難而來吾若善逆彼以

懷來者又執之以信齊沮又久之以成其悔使反者得辭而害來者以懼諸侯將焉用之緩之逸范武子老卻獻子魯侯之弟叔肸卒穀梁氏曰春秋書公弟叔肸賢為政魯侯之弟叔肸卒之也宣弑而非之也非之則胡為不去之兄弟也何去而之與之財則曰我足矣纖履而食終身不食宣公之食君子以是為通恩也以取貴乎春秋十有六年晉侯衛世子臧伐齊齊侯會晉侯盟于

緡楚莊卒子審嗣

是為共

魯宣公卒子黑肱嗣

是為成公左

氏曰公孫歸父以襄仲之立宣公也有寵欲去三桓以張公室謀而聘于晉欲以晉人去之公薨季文子言于朝曰使我殺嫡立庶以失大援者仲也夫臧宣叔怒曰當其時不能治也後之人何罪遂逐東門氏子家還及笙壇帷復命于介袒括髮即位哭踊奔齊十有七年魯成元年晉侯使瑕嘉來平

戎王使單子如晉王季子伐茅戎王師敗績于茅戎左

曰晉侯使瑕嘉平戎于王單襄公如晉拜成劉康公微戎將遂伐之叔服曰背盟而欺大國此必敗背盟不祥

欺大國不義神人弗助將何以勝魯作卬甲左氏曰卬甲卬自為

甲也二十五人為兩四兩為卒卒出長轂一乘也于甸乎取之于是有甲士卬十六井也而自為甲是卬賦一乘也大司馬之制上地家可用者三人中地二家五人下地家二人皆勝兵也必四卬之甸也而後備一卒出長轂一乘則是從征少而休多十有八年齊侯伐魯敗也作卬甲休少而從征多矣

衛師于新築

左氏曰齊侯伐我北鄙圓龍頃公之嬖人盧蒲就魁門焉龍人囚之齊侯曰勿殺吾

與而盟無入而封弗聽殺而聘諸城上齊侯覲鼓士陵城三日取龍遂南侵及巢卬衛侯使孫良夫石稷甯相

向禽將侵齊與齊師遇石子欲還孫子曰不可以師伐人遇其師而還將謂君何若知不能則如無出今既遇矣不如戰也石成子曰師敗矣子不少頃衆懼盡子喪師徒何以復命皆不對又曰子國卿也墮子辱矣子以衆退我此乃止且告車來甚衆齊師乃止次于羈居新蔡人仲叔于奚救孫桓子桓子是以免晉卻克

魯季孫行父臧孫許叔孫僑如公孫嬰齊衛孫良夫曹

公子首及齊侯戰于鞌齊師敗績

左氏曰孫桓子還于新蔡不入遂如晉乞

師臧宣叔亦如晉乞師皆主卻獻子晉侯許之七百乘卻子曰此城濮之賦也有先君之明與先大夫之肅故拔克于先大夫無能為役請八百乘許之卻克及士燮藥書韓厥將以救魯衛臧宣叔逆晉師且道之季文子帥師會之師從齊師于莘至于靡笄之下齊侯使請戰對曰晉與魯衛兄弟也來告曰大國朝夕釋憾于敝邑

之地寡君不忍使羣臣請于大國無令與師淹于君地
能進不能退君無所辱命師陳于鞏郛夏御齊侯逢丑
父為右晉解張御卻克鄆邱緩為右齊侯曰余姑剪滅
此而後朝食不介馬而馳之卻克傷于矢流血及屨未
絕鼓音曰余病矣張侯曰師之耳目在吾旗鼓進退從
之此車一人殿之可以集事若之何其以病敗君之大
事也病未及死吾子勉之左并轡右援枹而鼓馬逸不
能止師從之齊師敗績逐之逢丑父與公易位韓厥執
繫馬前再拜稽首奉觴加璧以進曰寡君使羣臣為魯
衛請曰無令與師陷入君地下臣不幸屬當戎行無所
逃隱且懼奔辟而忝兩君臣辱戎士敢告不敏攝官承
乏丑父使公下如華泉取飲鄭周父御佐車宛蔑為右
載齊侯以免韓厥獻丑父卻獻子將戮之呼曰自今無
有代其君任患者有一于此將為戮乎卻子曰人不難
以死免其君我戮之不祥故之以勸事君者乃免之齊
侯求丑父三入三出入于狄卒狄卒皆抽戈插冒之以

入衛師衛師免之晉師從齊師入自邱與擊馬陘齊侯使賓媚人賂以紀甌玉磬與地不可則聽客之所為晉人不可曰必以蕭同叔子為質按蕭同叔子即笑卻克而使齊之封內盡東其畝對曰蕭同叔子非他寡君之母也若以匹敵則亦晉君之母也吾子布大命于諸侯而曰必質其母其若王命何且是以不孝令也詩曰孝子不匱永錫爾類若以不孝令于諸侯其無乃非德類也乎先王疆理天下物土之宜而布其利故詩曰我疆我理南東其畝今吾子疆理諸侯而曰盡東其畝唯吾子戎車是利無顧土宜無乃非先王之命也乎及先王則不義何以為盟主其晉實有闕寡君之命使臣則有辭矣曰子以君師辱于敝邑不腆敝賦以犒從者畏君之震師徒撓敗吾子惠徼齊國之福不泯其社稷使繼舊好唯是先君之敝器土地不敢愛子又不許請收合餘燼背城借一敝邑之幸亦云從也況其不幸敢不唯命是聽魯衛諫曰齊疾我矣子若不許讎我必甚唯

子則又何求子得其國寶我亦得地而紆于難其榮
多矣晉人許之對曰羣臣帥賦輿以為魯衛諸苟有
以藉口而復于寡君敢不唯命是聽秋七月晉師及
齊國佐盟于袤婁使齊人歸魯汶陽之田晉師歸范
文子後入武子曰無為吾望爾也乎對曰師有功國
人喜以逆之先入必屬耳目焉是代師受名也故不
敢武子曰吾知免矣卻伯見公曰子之力也夫對曰
君之訓也二三子之力也臣何力之有馬范叔見勞
之如卻伯對曰庚所命也克之制也變何力之有馬
藥伯見公亦如之對曰變之詔也士用命也書何力
之有
宋文公卒子固嗣
是為共公 左氏曰宋文公卒始厚葬用蜃炭益車馬始
用殉重器備樽有四阿棺有翰檜君子謂華元樂舉
于是乎不臣臣治煩去惑者也
是以伏死而爭今二
子者君生則縱其惑死又益其
侈是棄君子惡也何臣之為
衛穆公卒子臧嗣
是為定公

左氏曰晉三子自役弔焉哭于大門之外衛人逆之婦人哭于門內送亦如之遂常以葬晉侯

使鞏朔獻齊捷王命委于三吏

左氏曰晉侯使鞏朔

使單襄公辭馬曰蠻夷狄戎不式王命淫酒毀常王命伐之則有獻捷王親受而勞之所以懲不敬勸有功也兄弟甥舅侵敗王畧王命伐之告事而已不獻其功所以敬親睦禁淫慝也今叔父克遂有功子齊而不使命卿鎮撫王室所以來撫余一人而鞏伯實來未有職司于王室又奸先王之禮余雖欲于鞏伯其敢廢舊典以忝叔父夫齊甥舅之國也而太師之後也寧不亦淫從其欲以怒叔父抑豈不可諫誨士莊伯不能對王使委于三吏禮之如侯伯克敵使大夫告慶之禮降于卿禮一等王以鞏伯晏而私賄之曰非禮也勿籍

楚師鄭師侵衛遂侵魯魯侯會楚公子嬰齊

于蜀遂及楚人秦人宋人陳人衛人鄭人齊人曹人

邾人薛人鄆人盟于蜀

左氏曰宣公使求好于楚楚莊卒宣公薨不克作好成公

即位受盟于晉會晉伐齊衛人不行使于楚而亦受盟于晉從于伐齊故楚令尹子重為陽橋之役以救齊將起師子重曰師衆而後可乃大戶已責速鯀救乏赦罪悉師卒盡行彭名御戎蔡景公為左許靈公為右冬楚師侵衛遂侵我師于蜀侵及陽橋孟孫請往賂之公衛為質以請盟楚人許平十一月公及楚公子嬰齊蔡侯許男秦右大夫說宋華元陳公孫寧衛孫良夫卿公子去疾及齊國之大夫盟于蜀卿不書盟也于是乎畏晉而竊與楚盟故曰盟盟蔡侯許男不書乘楚車也是行也晉辟楚畏其衆也

十有九年晉侯

宋公魯侯衛侯曹伯伐鄭

左氏曰討邾之役也鄭公子偃帥師禦之使東鄙履諸鄆

敗諸邱與皇鄭公子去疾帥師伐許晉人歸公子穀臣
戍如楚獻捷

于楚楚人歸知罃于晉

左氏曰晉人歸楚公子穀臣與
連尹襄老之尸于楚以求知罃

于是荀首佐中軍矣故楚人許之楚子送知罃曰子歸
何以報我對曰以君之靈累臣得歸骨于晉寡君之以
為戮死且不朽若從君之惠而免之以賜君之外臣首
首其請于寡君而以戮于宗亦死且不朽若不獲命而
使嗣宗職次及于事而帥偏師以修封疆雖遇執事其
弗敢違其竭力致死無有二心以盡臣禮所以報也楚
子曰晉未可與爭晉作六軍杜氏曰
僭王也鄭伐許陳氏曰狄
鄭也楚之
重為之禮而歸之霸鄭為之也由齊桓以來爭鄭于楚桓公卒鄭始朝楚
諸夏之變于夷鄭為亂階也至展陵鄭帥諸夏而事楚
矣敗晉于邲盟十四國之君大夫于蜀皆鄭為
之是故狄秦而後狄鄭微秦鄭中國無左社矣

履祥按鄭之可狄久矣獨于是年敗狄必于甚者是歲也覆諸夏之師于鄭敗之于邱與獻諸夏之俘于楚再動干戈于許于是狄之以為鄭之惡甚矣而明年襄公死襄公于是終于為狄矣

二十年鄭襄公卒子費嗣是為悼公鄭伯伐許燕宣公卒昭

公立二十有一年梁山崩王崩子夷踐位晉侯齊侯宋

公魯侯衛侯鄭伯曹伯邾子杞伯同盟于蟲牢

左氏曰往年鄭

公孫申驪許田許人敗諸屨敗鄭伯伐許晉欒書荀首救許代鄭楚子反救鄭鄭伯與許男訟焉子反曰君若屏在寡君寡君與其二三臣共聽兩君之所欲成其可知也不然側不足以知二國之成許靈公愬鄭伯于楚鄭悼公如楚訟不勝楚人執皇成及子國鄭伯歸使公子偃請成于晉秋鄭伯及晉趙同盟于垂棘冬同盟于

蟲牢鄭服也
宋公辭以難


吳子去齊卒子乘嗣

是為壽夢 史記世
家曰太伯作吳傳弟

仲雍仲雍卒子季簡立歷叔建周章熊遂柯相彊鳩夷
餘橋疑吾河盧周隸屈羽夷吾禽處轉顧高句卑去齊

壽夢凡十九世

吳始益大稱王



資治通鑑前編卷十三

欽定四庫全書

史部

資治通鑑前編卷十四至

詳校官編修臣潘廷筠

編修臣裴謙覆勘

總校官降調編修臣倉聖脉

校對官編修臣陳昌齊

騰錄監生臣蔡國瑚

欽定四庫全書

資治通鑑前編卷十四

宋 金履祥 編

丙子周簡王元年晉伯宗夏陽說衛孫良夫甯相鄭人

伊維之戎陸渾蠻氏侵宋

左氏曰以其辭會也師于鍼衛人不保哉欲襲衛曰雖不

可入多俘而歸有罪不及死伯宗曰不可衛唯信晉故師在其郊而不設備若襲之是棄信也雖多衛俘而晉無信何以求諸侯乃晉遷于新田

左氏曰晉人謀去故絳諸大夫皆曰必居

止師還衛人登陴郕瑕氏之地沃饒而近監國利君樂不可失也公謂韓獻子曰何如對曰不可郕瑕氏土薄水淺其惡易覲易

觀則民愁民愁則墊隘于是乎有沈溺重膂之疾不如
新田土厚水深居之不疾有汾澮以流其惡且民從教
十世之利也夫山澤林鹽國之寶也國饒則民驕倖近
寶公室乃貧不可謂樂公說遷于新田鄭悼公

卒弟論立

是為成公

楚公子嬰齊帥師伐鄭晉欒書帥師救

鄭

左氏曰鄭從晉故也晉師與楚師遇于繞角楚師還

晉師遂侵蔡楚公子申公子成以申息之師救蔡軍

帥之欲戰者衆知莊子范文子韓獻子曰不可吾來救

鄭楚師去我吾遂至于此是遷戮也戮而不已又怨楚

師戰必不克雖克不令成師以出而敗楚之二縣何榮

之有焉若不能敗為辱已甚武子曰善釣從衆夫善衆

之主也三卿為主可謂衆吳壽夢來朝吳越春秋曰壽

矣從之侵沈獲沈子揖夢元年朝周適

楚觀諸侯禮樂魯成公會于鍾離深問周公禮樂成公

悉為陳前王之禮樂因為詠歌三代之風壽夢曰孤在

夷蠻從以雅髻為俗豈有斯之服哉因歎而去曰
於乎哉禮也按年表吳與會鍾離在簡王十年
二年

吳伐鄭

左氏曰吳伐鄭鄭成季文子曰中國不振旅蠻夷入伐而莫之或恤無弔者也夫詩曰不弔吳

天亂靡有定有上不弔其誰不受亂吾已無日矣

楚公子嬰齊帥師伐鄭晉侯

齊侯宋公魯侯衛侯曹伯莒子邾子杞伯救鄭同盟于

馬陵

左氏曰楚子重伐鄭師于汜諸侯救鄭鄭共仲侯羽軍楚師囚鄭公鍾儀獻諸晉八月同盟于馬陵

尋蟲牢之盟且莒服故也

吳入州來

左氏曰楚子討陳夏氏曰楚莊欲納

晉人以鍾儀歸囚諸軍府

吳入州來

夏氏曰楚莊欲納

夏姬申公巫臣曰不可君召諸侯討有罪也今納夏姬貪其色也貪色為淫淫為大罰乃止子反欲取之巫臣

曰是不祥人也是天子蠻殺御叔弑靈侯戮夏南出孔儀喪陳國何不祥如是子反乃止楚子以與連尹襄老

襄老死于邲不獲其尸巫臣使道焉曰歸吾聘女又使
自鄭召之曰尸可得也必來送之姬以告楚子楚子問
巫臣對曰其信知瑩之父新佐中軍而善鄭皇戌甚愛
此子其必因鄭而歸王子與襄老之尸以求之楚子遣
夏姬歸巫臣聘諸鄭鄭伯許之及楚共即位將為陽橋
之役使屈巫聘于齊巫臣盡室以行及鄭使介反幣而
以夏姬行遂奔晉子反請以重幣錮之楚子曰止其自
為謀也則過矣其為吾先君謀也則忠且彼若能利國
家雖重幣晉將可乎若無益晉將棄之何勞錮焉圍宋
之役子重請取于申呂以為賞田巫臣曰不可子重是
以怨巫臣子重子反殺巫臣之族而分其室巫臣自晉
遺二子書曰爾以讒慝貪惓事君而多殺不辜余必使
爾罷于奔命以死巫臣請使于吳晉侯許之吳子壽夢
說之乃通吳于晉以兩之一卒適吳舍偏兩之一馬與
其射御教吳乘車教之戰陳教之叛楚寘其子狐庸焉
使為行人于吳吳始伐楚伐巢伐徐子重奔命馬陵之

會吳入州來于重自鄭奔命子重子反于是一歲七奔命蠻夷屬于楚者吳盡取之是以始大通于上國陳氏曰吳楚之交兵不書至是始書之傳曰是以始大通吳于上國晉人爲之也盟于蒲景公將始會吳吳不至于鍾離而後至盟于雞澤悼公又逆吳子吳不至于戚而后至吳之爲蠻久矣其不敢自列于諸夏而晉求之急將以罷楚也楚罷晉亦不復霸矣

履祥按春秋吳入州來州來楚邑也而不繫之楚此天下之變也州來今淮蔡之地入州來非獨楚之憂諸夏之憂亦自是始矣書吳伐鄭吳入州來以爲此皆諸夏之憂也言春秋者謂春秋有天下之辭有一國之辭天下之辭此類是也

三年晉欒書帥師侵蔡遂侵楚晉殺其大夫趙同趙括

左氏曰趙嬰通于趙莊姬原屏放諸齊莊姬譖之于晉侯曰原屏將為亂樂卻為徵六月晉討趙同趙括武從

姬氏畜于公宮按從姬氏畜于宮此即王使召伯賜魯史記所謂景公與韓厥謀匿之宮中也

侯命

胡氏曰諸侯嗣立而入見則有賜已修聘禮而來朝則有賜能敵王所愾而獻功則有賜成公即位

服喪已畢而不入見又未嘗敵王所愾也何為而賜命乎春秋罪邦君之不王譏天子之僭賞也晉人

齊人魯人邾人伐鄭

左氏曰晉士燮來聘言伐鄭也以其事吳故公賂之請緩師文子不

可曰君命無貳失信不立禮無加貨事無二成君後諸侯是寡君不得事君也燮將復之季孫懼使宣伯帥師

會伐鄭

胡氏曰吳初伐鄭季文子固憂之矣然當其

時晉弗能救及其既成豈得已也而又率諸國伐之何義乎晉侯之為盟主可見矣魯既知其不可而不敗違其不能自立亦可知矣

履祥按晉方通吳救之伐楚而已有爭鄆之役結夷狄以謀夷狄者亦不可不戒也然則晉之于鄰宜如何救之于前邨之于後其全中國之義乎

四年晉侯齊侯宋公魯侯衛侯鄭伯曹伯莒子杞伯同

盟于蒲

左氏曰初晉侯使韓穿來言汶陽之田歸之于齊季文子錢之私焉曰大國制義以為盟主是

以諸侯懷德畏討無有貳心謂汶陽之田敝邑之舊也而用師于齊使歸諸敝邑今有二命曰歸諸齊信以行義義以成命小國所望而懷也信不可知義無所立四方諸侯其誰不解體七年之中一與一奪詩曰士也罔極二三其德霸主將德是以而二三之行父懼晉之失諸侯也是以敢私言之為歸汶陽之田故諸侯貳于晉晉人懼會于蒲以尋馬陵之盟季文子謂范文子曰德則不競尋盟何為范文子曰勤以撫之寬以待之堅彊

以御之明神以要之柔服而伐貳德之次也是行也將始會吳吳人不至

履祥按蒲之盟內則為諸侯之貳外則召吳而吳不至則春秋何以書同盟晉將以是同諸侯爾是同也與清邱之同一也

齊頃公卒子環嗣

是為靈公

晉人執鄭伯晉欒書帥師伐鄭

左氏曰楚人以重賂求鄭鄭伯會楚公子成于鄧秋鄭伯如晉晉人討其貳于楚也執諸銅鞮欒書伐鄭鄭人使伯蠲行成晉人殺之非禮也兵交楚公子嬰齊帥師使在其間可也楚子重侵陳以救鄭

伐莒莒潰楚人入鄆

左氏曰初晉侯使申公巫臣如吳假道于莒與渠邱公立于池上曰

城已惡莒子曰辟陋在夷其孰以我為虞對曰夫狡焉思啓封疆以利社稷者何國哉有唯然故多大國矣

或曰或繼也

勇夫重閉況國乎明年冬楚子重自陳伐

莒國渠邱渠邱城惡衆潰奔莒楚入渠邱莒人囚楚公

子平楚人曰勿殺吾歸而俘莒人殺之楚人秦人白狄

伐晉鄭人圍許

左氏曰鄭人圍許示晉不急君也公孫申謀曰我出師以圍許為將改立君者

而紓晉使

晉侯歸楚鍾儀于楚楚子使公子辰如晉

左氏

曰晉侯觀于軍府見鍾儀問之曰南冠而縶者誰也有司對曰鄭人所獻楚囚也使稅之召而弔之再拜稽首問其族對曰潁人也公曰能樂乎對曰先父之職官也敢有二事使與之琴操南音公曰君王何如對曰其為大子也師保奉之以朝于嬰齊而夕于側也不知其他公語范文子文子曰楚囚君子也言稱先職不肯本也樂操土風不忘舊也稱大子抑無私也名其二卿尊君也不背本仁也不忘舊信也無私忠也尊君敏也仁以

接事信以守之忠以成之敏以行之事雖大必濟君蓋
歸之使合晉楚之成公從之重為之禮而歸之楚子使
公子辰如晉報鍾儀之使請修好結成五年晉使糴莩如楚報使晉侯有

疾立世子州蒲為君

是為厲公

以會齊侯宋公魯侯衛侯曹

伯伐鄭

左氏曰鄭公子班聞叔申之謀立公子繻夏鄭人殺繻立覓頑班奔許樂武子曰鄭人立君我

執一人焉何益不如伐鄭而歸其君以求成焉晉侯有疾立子州蒲以為君而會諸侯以伐鄭鄭子罕賂以襄鍾子然盟于修澤子駟為質鄭伯歸討立君者殺叔申叔禽

晉景公卒

左氏曰晉侯夢大厲被髮

及地曰殺余孫不義余得請于帝矣公覺召桑田巫巫言如夢公曰何如曰不食新矣公疾病求醫于秦秦伯使醫緩為之未至公夢疾為二豎子曰彼良醫也懼傷我焉逃之其一曰居育之上膏之下若我何醫至曰疾

不可為也在育之上膏之下攻之不可達之不及藥不至也不可為也公曰良醫也厚為之禮而歸之六月丙午晉侯欲麥使甸人獻麥饋入為之召桑田巫示而殺之將食張如廁陷而卒晉程嬰攻屠岸

賈滅其族復趙武程嬰請死

史記曰晉景公疾卜之大業之後不遂者為祟諸將

入問疾景公因韓厥之眾以脅諸將而見趙武諸將不得已乃曰昔下宮之難屠岸賈為之矯以君命并命羣臣非然孰敢作難微君之疾羣臣固且請立趙後今君有命羣臣之願也于是召趙武程嬰徧拜諸將遂反與程嬰趙武攻屠岸賈滅其族復與趙武田邑如故及趙武冠成人程嬰乃辭諸大夫謂趙武曰昔下宮之難皆能死我非不能死思立趙氏之後今趙武既立成人復故位我將下報趙宣孟與公孫杵臼趙武泣頓首固請曰武願苦筋骨以報子至死而子忍去我死乎程嬰曰不可彼以我為能成事故先我死今我不報是以我事

為不成遂自殺趙武服齊衰三年為之祭邑春秋祠之

世勿絕

左氏曰韓厥言于晉侯曰成季之勲宣孟之

無後為善者懼矣乃

六年周公楚出奔晉

左氏曰周

襄之偏且與其田焉

鄭而八三日復出奔晉凡自周無出周公自出故也

命王季子單子取鄧田于晉

左氏曰晉郤至與周爭鄧田王命劉康公單襄公訟

諸晉郤至曰溫吾故也故不敢失劉子單子曰昔周克

商使諸侯撫封蘇忿生以溫為司寇與檀伯達封于河

蘇氏即狄又不能于狄而奔衛襄王勞文公而賜之溫

狐氏陽氏先處之而後及于若治其故則王官之邑也

子安得之晉侯

左

使郤至勿敢爭

七年宋華元合晉楚之成晉楚交聘

左

曰宋華元善于令尹子重又善于欒武子聞楚人既許

晉糴穀成而使復歸命矣華元如楚遂如晉合晉楚之

成夏晉士燮會楚公子罷許偃盟于宋西門之外曰凡
晉楚無相加戎好惡同之同恤蓄危備救凶患若有害
楚則晉伐之在晉楚亦如之交贄往來道路無壅謀其
不協而討不庭有渝此盟明神殛之俾隊其師無克昨
國晉卻至如楚聘且涖盟楚子享之子反相為地室而
縣焉卻至將登金奏作于下驚而走出于反曰日云莫
矣寡君須矣吾子其入也賓曰君不忘先君之好施及
下臣貺之以大禮重之以備樂如天之福兩君相見何
以代此下臣不敢子反曰如天之福兩君相見無亦唯
是一矢以相加遺焉用樂寡君須矣吾子其入也賓曰
若讓之以一矢禍之大者其何福之為世之治也諸侯
間于天子之事則相朝也于是乎有享宴之禮享以訓
共儉晏以示慈惠共儉以行禮而慈惠以布政政以禮
成命是以息百官承事朝而不夕此公侯之所以扞城
其民也今吾子之言亂之道也然吾子主也至敢不從
遂入卒事歸以語范文子文子曰無禮必食言吾死無

日矣夫楚公子罷如晉聘且泄盟 按晉楚之盟不書于春秋而史記年表亦不見一二年間兵交自若今不欲削去存之 八年魯侯及諸侯來朝遂從王季子成子以備參考

會晉侯伐秦曹宣公卒于師公子負刍殺世子而自立

是為成肅公卒于瑕

左氏曰往年秦晉為成將會于令孤晉侯先至秦伯不肯涉河次于

王城使史黶盟晉侯于河東晉卻犇盟秦伯于河西秦伯歸而背晉成是年晉侯使卻錡如魯乞師三月公如京師孟獻子從公及諸侯朝王遂從劉康公成肅公會晉侯伐秦成子受脈于社不敬劉子曰吾聞之民受天地之中以生所謂命也是以有動作禮義威儀之則以定命也能者養之以福不能者敗以取禍是故君子勤禮小人盡力勤禮莫如致敬盡力莫如敦篤敬在養神篤在守業國之大事在祀與戎祀有執膳戎有受脈神

之大節也今成子情棄其命矣其不反乎夏晉侯使呂
相絕秦曰昔逮我獻公及穆公相好戮力同心申之以
盟誓重之以昏姻天禍晉國文公如齊惠公如秦無祿
獻公即世穆公不忘舊德俾我惠公用能奉祀于晉又
不能成大勲以為韓之師亦悔于厥心用集我文公是
穆之成也文公躬擐甲胄跋履山川踰越險阻征東之
諸侯虞夏殷周之胤而朝諸秦則亦既報舊德矣鄭人
怒君之疆場我文公帥諸侯及秦圍鄭秦大夫不詢于
我寡君擅及鄭盟諸侯疾之將致命于秦文公恐懼綏
靜諸侯秦師克還無害則是我有大造于西也無祿文
公即世穆為不弔蔑死我君寡我襄公送我穀地奸絕
我好伐我保城殄滅我費滑散離我兄弟撓亂我同盟
傾覆我國家我襄公未忘君之舊勲而懼社稷之隕是
以有穀之師猶願赦罪于穆公穆公弗聽而即楚謀我
天誘其衷成王隕命穆公是以不克逞志于我穆襄即
世康靈即位康公我之自出又欲闕翦我公室傾覆我

社稷帥我螫賊以來蕩搖我邊疆我是以有令狐之役
康猶不悛入我河曲伐我凍川俘我王官翦我羈馬我
是以有河曲之戰東道之不通則是康公絕我好也及
君之嗣也我君景公引領西望曰庶撫我乎君亦不惠
稱盟利吾有狄難入我河縣焚我箕郛芟夷我農功虐
劉我邊垂我是以有輔氏之聚君亦悔禍之延而欲徵
福于先君獻穆使伯車來命我景公曰吾與汝同好棄
惡復修舊德以追念前勲言誓未就景公即世我寡君
是以有令狐之會君又不祥背棄盟誓白狄及君同州
君之仇讐而我之昏姻也君來賜命曰吾與汝伐狄寡
君不敢顧昏姻畏君之威而受命于吏君有二心于狄
曰晉將伐汝狄應且憎是用告我楚人惡君之二三其
德也亦來告我曰秦背令狐之盟而來求盟于我昭告
昊天上帝秦三公楚三王曰余雖與晉出入余唯利是
視不穀惡其無成德是用宣之以懲不宣諸侯備聞此
言斯是用痛心疾首雖就寡人寡人帥以聽命唯好是

求君若惠顧諸侯於哀寡人而賜之盟則寡人之願也
其承寧諸侯以退豈敢微亂君若不施大惠寡人不佞
其不能以諸侯退矣敗盡布之執事俾執事實圖利之
秦桓公既與晉厲公為令狐之盟而又召狄與楚欲道
以伐晉諸侯是以睦于晉晉樂書將中軍荀庚佐之士
變將上軍卻錡佐之韓厥將下軍荀罃佐之趙旃將新
軍卻至佐之卻縠御戎欒鍼為右孟獻子曰晉帥乘和
師必有大功五月晉師以諸侯之師及秦師戰于麻隧
秦師敗績曹宣公卒于師又見檀弓師遂濟
涇及侯麗而還迂晉侯于新楚成肅公卒于瑕

履祥按秦穆公三置晉君皆以重賂惠公至于見獲
懷公至于見殺皆以責賂獨文公待之得宜而秦穆
亦不敢以待夷吾者加之然穆公恃恩而私鄭襄公
忘好而敗穀自是以來秦晉之交兵亟矣至是晉假
王靈率諸侯以伐之呂相之辭蔑秦之功獨背令狐
之盟于秦為曲耳春秋不書劉成之出師又不書秦

師之敗績以為晉假王命而劉成不
與戰秦晉交兵而勝負不足書也

九年鄭人伐許衛定公卒子衎嗣

是為獻公左氏曰衛侯有疾使孔成子甯

惠子立敬如之子衎以為太子衛定公卒夫人姜氏既哭而息見太子之不哀也不內酌飲歎曰是夫也將不唯衛國之敗其必始于未亡人嗚呼天禍衛國也夫吾不獲鱗也使主社稷大夫聞之無不聳懼孫文子自是不敢舍其重器于衛盡秦桓公卒子嗣

是為景公

十年晉侯

魯侯衛侯鄭伯曹伯宋世子成齊國佐邾人同盟于戚

晉侯執曹伯歸于京師諸侯立子臧辭奔宋

左氏曰曹宣公卒于

師曹人使公子負刍守使公子欣時逆喪負刍殺其大子而自立也諸侯請討之晉人以其役之勞請俟他年

葬曹宣公子臧將亡國人皆將從之公懼告罪請焉乃
反而致其邑春會于戚討曹成公也執而歸請京師諸
侯將見子臧于王而立之子臧辭曰聖違節次守節下
失節為君非吾節也雖不能聖敢失守乎遂逃奔宋

宋共公卒蕩山攻殺太子肥華元出奔歸而殺山立公

子成

是為平公

魚石奔楚楚子伐鄭

左氏曰楚將北師子囊曰新與晉盟而背之無

乃不可乎子反曰敵利則進何盟之有申叔時聞之曰
子反必不免信以守禮禮以庇身信禮之亡欲免得乎
楚子侵鄭及暴隧侵衛及首止鄭子罕侵楚取新石樂
武子欲報楚韓獻子曰使重其罪民將叛之無民孰戰

晉士燮齊高無咎宋華元魯叔孫僑如衛孫林父鄭公

子鍼邾人會吳于鍾離

左氏曰始通吳也陳氏曰齊桓公以殊會會王世子厲公以殊

會會吳吳之為蠻久矣而與王世許遷于葉左氏曰許

子同文甚矣厲公之為中國患也靈公畏偪

于鄭請遷于楚楚十有一年六月丙寅朔日有食之晉

公子側左氏曰楚子自武城使公子成以汝陰之田求

伐鄭范文子曰若逞吾願諸侯皆叛晉可以逞若唯鄭

叛晉國之憂可立侯也杜氏曰晉厲公無道三郕驕故

失諸侯四月晉師起樂書將中軍士燮佐之卻錡將上

軍荀偃佐之欒厥將下軍卻至佐新軍鄭人聞有晉師

使告于楚姚句耳與往楚子救鄭司馬將中軍子反令

尹將左子重右尹子辛將右過申子反入見申叔時曰

師其何如對曰德刑詳義禮信戰之罷也德以施惠刑

以正邪詳以事神義以建利禮以順時信以守物民生
厚而德正用利而事節時順而物成上下和睦周旋不
逆求無不具各知其極是以神降之福時無災害民生
數龐和同以聽莫不盡力以從上命致死以補其闕此
戰之所由克也今楚內棄其民而外絕其好潰齊盟而
食語言奸時以動而疲民以逞民不知信進退罪也人
恤所底其誰致死子其勉之吾不復見子矣姚句耳先
歸子駟問焉對曰其行速過險而不整速則失志不整
喪列將何以戰懼不可用也五月晉師濟河聞楚師將
至范文子曰我偽逃楚可以紓憂夫合諸侯非吾所能
也以遺能者我若羣臣輯睦以事君多矣武子不可六
月晉楚遇于鄆陵范文子不欲戰卻至曰韓之戰惠公
不振旅箕之役先軫不反命邲之師荀伯不復從皆晉
之恥也子亦見先君之事矣今我辟楚又益恥也文子
曰先君之亟戰也有故秦狄齊楚皆彊不盡力子孫將
弱今三彊服矣敵楚而已唯聖人能外內無患自非聖

人外寧必有內憂蓋釋楚以為外懼乎甲午晦楚晨壓
晉軍而陳軍吏患之范句趨進曰塞井夷竈陳于軍中
而䟽行首晉楚唯天所授何患焉丈子執戈逐之曰國
之存亡天也童子何知焉樂書曰楚師輕窵固壘而待
之三日必退退而擊之必獲勝焉郤至曰楚有六間不
可失也其二鄉相惡王卒以舊鄭陳而不整蠻軍而不
陳陳不違晦在陳而囂合而加囂各顧其後莫有鬪心
舊不必良以犯天忌我必克之楚子登巢車以望晉軍
子重使太宰伯州犂侍于後曰騁而左右何也曰召軍
吏也皆聚于中軍矣曰合謀也張幕矣曰虔卜于先君
也徹幕矣曰將發命也甚囂且塵上矣曰將塞井夷竈
而為行也皆乘矣左右執兵而下矣曰聽誓也戰乎曰
未可知也乘而左右皆下矣曰戰禱也伯州犂以公卒
告苗賁皇在晉侯之側亦以王卒告曰楚之良在其
中軍而已請分良以擊其左右而三軍萃于王卒必大
敗之公筮之吉曰南國蹙射其元王中厥目從之步殺御

晉厲公樂鉞為右彭名御楚子潘黨為右石首御鄭成
公唐荀為右樂范以其族夾公行呂錡射楚子中目楚
子呂養由基與之兩矢使射呂錡中項伏殺以一矢復
命卻至三遇楚子之卒見楚子必下免胄而趨風楚子
使工尹襄問之以弓曰方事之殷有勍韋之跖注君子
也識見不殺而趨無乃傷乎卻至見客免胄曰君之外
臣至從寡君之戎事不敢拜命敢告不寧君命之辱三
肅使者而退晉韓厥從鄭伯其御曰速從之其御屢顧
不在馬可及馬韓厥曰不可以再辱國君乃止卻至從
鄭伯其右曰諜輅之余從之乘而俘以下卻至曰傷國
君有刑亦止石首內旌于弢中唐荀謂石首曰子以君
免我請止乃死楚師薄于險養由基射再發盡殪叔山
冉搏人以投中車折軾晉師乃止囚楚公子伐樂鉞見
子重旌請曰彼其子重也曰臣使楚子重問晉國之勇
臣對曰好以衆整曰又何如曰好以暇請攝飲焉公許
之使行人執榼承飲造于子重曰寡君之使使鉞御持

于是以不得犒從者使其攝飲子重曰夫子嘗與吾言于楚不亦識乎受而飲之免使者而復鼓旦而戰見星未已子反命軍吏察夷傷補卒乘繕甲兵展車馬雞鳴而食唯命是聽晉人患之苗賁皇徇曰蒐乘補卒秣馬利兵修陳固列蓐食申禱明日復戰乃逸楚囚楚子聞之召子反謀子反辭不能見楚子宵遁晉入楚軍三日穀范文子立于戎馬之前曰君幼諸臣不佞何以及此君其戒之周書曰惟命不于常有德之謂楚師還及瑕楚子使謂子反曰先大夫之覆師徙者君不在子無以為過不穀之罪也子重使謂子反曰初隕師徙者而亦聞之矣盍圖之楚子使止之弗及而卒

晉侯齊侯魯侯衛侯宋華元邾人

會于沙隨尹子晉侯魯侯齊國佐邾人伐鄭晉人執魯

季孫行父卻犇盟于扈而歸之

左氏曰戰之日齊國佐高無咎至于師衛侯出

于衛公出于壞墮宣伯通于穆姜欲去季孟而取其室
將行穆姜送公而使逐二子公以晉難告曰請反而聽
命姜怒公子偃公子鉏趨過指之曰女不可是皆君也
公待于壞墮申宮敝備設守而後行使孟獻子守于宮
官是以後會于沙隨謀伐鄭也宣伯使告卻犇曰魯侯
待于壞墮以待勝者卻犇將新軍且為公族大夫以主
東諸侯取貨于宣伯而訴公于晉侯晉侯不見公七月
公會尹武公及諸侯伐鄭將行姜又命公如初公又申
守而行諸侯之師次于鄭西遷于制田晉知武子佐下
軍以諸侯之師侵秦遂侵蔡未反諸侯遷于潁上戊午
鄭子罕宵軍之宋齊衛皆失軍宣伯使告卻犇曰魯之
有季孟猶晉之樂范也政令于是乎成今其謀曰晉政
多門不可從也請止行父而殺之我斃蔑也而事晉蔑
有貳矣魯不貳小國必睦不然歸必叛矣九月晉人執
季文子于荅丘公還待于鄆使子叔聲伯請季孫于晉
卻犇曰苟去仲孫蔑而止季孫行父吾與子國親于公

室對曰僞如之情子必聞之矣若去蔑與行父是大棄魯國而罪寡君也若猶不棄而惠徵周公之福使寡君得事晉君則夫二人者魯國社稷之臣也若朝亡之魯必夕亡以魯之密邇仇讐亡而為讐治之何及嬰齊魯之常隸也承寡君之命以請若得所請吾子之賜多矣又何求范文子謂樂武子曰季孫于魯相二君矣妾不衣帛馬不食粟可不謂忠乎信讒慝而棄忠良若諸侯何子叔嬰齊奉君命無私謀國家不貳圖其身不忘其君若虛其請是棄善人也子其圖之乃許釋曹伯歸于魯平赦季孫十月出叔孫僞如僞如奔齊釋曹伯歸于

曹

胡氏曰春秋書曹伯歸自京師所以累乎天王也其言自京師王命也言天王之釋有罪也負芻殺世子

而自立不能因晉之執寘諸刑典而晉侯使郤至來獻使復國則無以為天下之共主矣

楚捷

左氏曰晉侯使郤至獻楚捷于周與單襄公語驟稱其伐單子語諸大夫曰溫季其亡乎位于七人

之下而求掩其上怨之所聚亂之本也多怨而階亂何以在位夏書曰怨豈在明不見是圖將慎其細也今而明之其可乎
十有二年尹子單子晉侯齊侯宋公魯侯衛侯

曹伯邾人伐鄭同盟于柯陵

左氏曰鄭子駟侵晉虛滑衛北宮括救晉侵鄭至于

高氏鄭太子髡頑侯犇為質于楚楚公子成公子寅戌鄭公會尹武公單襄公及諸侯伐鄭同盟于柯陵楚子重救鄭師于首止諸侯還國語曰柯陵之會單襄公見晉厲公視遠步高晉卻錡見其語犯卻犇見其語迂卻至見其語伐齊國佐見其語盡魯成公見言及晉難卻犇之諧單子曰君何患焉晉將有亂其君與三卻其當之乎魯侯曰寡人懼不免于晉今君曰將有亂敢問天道乎抑人故也單子曰吾非瞽史焉知天道吾見晉君之容而聽三卻之語矣殆必禍者也夫君子目以定體足以從之是以觀其容而知其心目以處義足以

步目今晉侯視遠而足高目不在體而足不步目其心必異矣目體不相從何以能久郤氏晉之寵人也三卿而五大夫可以戒懼矣高位實疾債辱味實腊毒今郤伯之語犯叔迂季伐犯則陵人迂則誣人伐則擄人有是寵也而益之以三怨其誰能忍之雖齊國子亦將與焉立于淫亂之國而好盡言以招人過怨之本也唯善人能受盡言齊其有乎今君偪于晉而鄰于齊齊晉有禍可以取伯無德之患何憂于晉是年晉殺三郤明年晉侯弑于翼東門單子晉侯宋公魯侯衛侯曹伯齊人弑國武子

邾人伐鄭

左氏曰楚公子申救鄭師于汝上諸侯還

十有二月丁巳朔日有

食之邾定公卒

是為宣公

晉殺其大夫郤錡郤犇郤至

燕昭公卒武公立十有三年晉弑其君厲公來逆公孫

周于京師立之

是為悼公左氏曰晉范文子反自鄢陵使其祝宗祈死曰君驕侈而克敵是天

益其疾也難將作矣愛我者唯祝我使我速死無及于難范氏之福也六月士變卒晉厲公侈多外嬖反自鄢陵欲盡去羣大夫而立其左右胥童以胥克之廢也怨卻氏而嬖于厲公卻綰奪夷陽五田五亦嬖于厲公卻綰與長魚矯爭田執而措之與其父母妻子同一轅既矯亦嬖于厲公欒書怨卻至以其不從己而敗楚師也欲廢之使楚公子茂告公曰此戰也卻至實召寡君以東師之未知也與軍師之未具也曰此必敗吾因奉孫周以事君公告欒書書曰其有焉不然豈其死之不恤而受敵使乎君盍嘗使諸周而察之卻至聘于周欒書使孫周見之公使覲之信遂怨卻至厲公田與婦人先殺而飲酒後使大夫殺卻至奉承寺人孟張奪之卻至射而殺之厲公將作難胥童曰必先三卻族大多怨去大族不偏敵多怨有庸公曰然卻氏聞之卻綰欲攻公

曰雖死君必危卻至曰人所以立信知勇也信不叛君知不害民勇不作亂失茲三者其誰與我死而多怨將安用之君實有臣而殺之其謂君何我之有罪吾死後矣若殺不辜將失其民欲安得乎待命而已受君之祿是以聚黨有黨而爭命罪孰大焉壬午胥童夷羊五攻卻氏三卻將謀于榭長魚矯以戈殺駒伯苦成叔于其位殺溫季于其車皆尸諸朝胥童以甲劫欒書中行偃于朝矯曰不殺二子憂必及君公曰一朝而尸三卿余不忍益也對曰人將忍君臣聞亂在外為姦在內為軌御姦以德御軌以刑不施而殺不可謂德臣偏而不討不可謂刑德刑不立姦軌並至臣請行遂出奔狄公使辭于二子乃皆歸公使胥童為卿公遊于匠麗氏欒書中行偃遂執公焉召士匄士匄辭召韓厥辭曰殺老牛莫之敗尸而況君乎二三子不能事君焉用厥也欒書中行偃殺胥童正月庚申使程滑弑厲公葬之于翼東門之外以車一乘

史記曰晉襄公少子捷號桓叔桓

叔最愛生惠伯談談生周國語曰晉孫談之子周適
周事單襄公立無跋視無還聽無聳言無遠言敬必及
天言忠必及意言信必及身言仁必及人言義必及利
言知必及事言勇必及制言教必及辯言孝必及神言
惠必及辭言讓必及敵晉國有憂未嘗不戚有慶未嘗
不怡襄公有疾召頃公而告之曰必善晉周將得晉國
其行也文能文則得天地天地所胙小而後國晉仍無
道而鮮胄其將失之矣必蚤善晉子其當之也左氏
曰晉使荀罃士魴逆周子于京師而立之生十四年矣
大夫逆于清原周子曰孤始願不及此雖及此豈非天
乎抑人之求君使出命也其稟不材孤之咎也國語入
而不從將安用君二三子用我今日否亦今日共而
從君神之所福也對曰羣臣之願也敢不唯命是聽盟
而入朝于武宮遂不臣者七人庚申五月之屠二月乙酉
朔晉悼公即位于朝始命百官施舍已責逮鰥寡振廢
滯匡乏困救災患禁淫惡薄賦歛有罪戾節罷用時用

民欲無犯時

國語曰公即位使呂宣子佐下軍

也曰邲之役呂錡佐知莊子于上軍獲楚公子穀臣與

連尹襄老以兒子羽鄢之役親射楚子而敗楚師以定

晉國而無後其子孫不可不崇也使彘恭子將新軍士

勛也曰武子之季文子之母弟也武子宣法以定晉國

至于今是用文子勤身以定諸侯至于今是賴夫二子

之德其可忘乎故以異季屏其宗使令狐文子佐之

顛也曰昔克潞之役秦來圖敗晉功魏顆以其身卻退

秦師于輔氏親止杜回其勲銘于景鍾至于今不育其

子不可不興也君知士貞子士泥濁也之帥志博聞而

宣惠于教也使為太傅知右行辛之能以數宣物定功

也使為司空知樂糾之能御以和于政也使為我御知

荀賓之有力而不暴也使為我右樂伯請公族大夫公

曰荀家惇惠荀儉文敏廣也果敢者之子無忌鎮靖

使茲四人者為之夫膏梁之性難正也故使惇

惠者教之使文敏者道之使果敢者諗之使鎮靖者修

之博惠者教之則徧而不倦文敏者道之則婉而入果
敗者諭之則過不隱鎮靖者修之則壹公知祁奚之果
而不淫也使為元尉知羊舌職之聰敏蕭給也使佐之
知魏絳之勇而不亂也使為元司馬知張老之知而不
詐也使為元侯知鐸遏寇之恭敬而信彊也使為典尉
知籍偃之博率舊職而供給也使為典司馬知程鄭端
而不淫且好諫而不隱也使為贊僕左氏曰凡五官
之長皆民譽也譽不失職官不易方爵不踰德師不陵
正旅不偏師民無謗言所以復霸也

楚子鄭伯伐宋宋魚石復入于彭城

魯成公卒子午嗣

是為襄公

楚人鄭人侵宋晉侯宋公衛侯

邾子齊崔杼魯仲孫蔑同盟于虛打

左氏曰鄭伯侵宋及曹門外遂會楚

子伐宋取朝邾楚子辛鄭皇辰侵城郕取幽邱同伐彭
城納宋魚石向為人鱗朱向帶魚府馬以三百乘戍之

宋人患之西鉏吾曰宋諸侯之姦而披其地以塞夷庚
毒諸侯而懼吳晉非吾憂也且事晉何為晉必恤之七
月宋老佐華喜圍彭城楚子重救彭城伐宋宋華元如
晉告急韓獻子為政曰欲求得人必先勤之成霸安強
自宋始矣晉侯師于台谷以救宋遇楚師于靡角之谷
楚師還會于虛打謀救宋也宋人辭諸侯而請師以圍
彭城十有四年魯襄公元晉欒黶宋華元魯仲孫蔑衛甯殖曹

人莒人邾人滕人薛人圍宋彭城晉韓厥帥師伐鄭齊

崔杼魯仲孫蔑曹人邾人杞人次于鄆楚公子壬夫帥

師侵宋

左氏曰于是為宋討魚石彭城降晉晉人以五大夫歸齊人不會彭城晉人以為討齊太子光

為質于晉晉韓厥荀偃帥諸侯之師伐鄭入其郛敗其
徒兵于洧上東諸侯之師次于鄆以待晉師晉師自鄭

以鄫之師侵楚焦夷及陳晉侯衛侯次于戚以九月王
為之援楚子辛救鄭侵宋鄭子然侵宋取大邱

崩太子泄心踐位

資治通鑑前編卷十四